



8° Philip. 959

Petus krichpulchler
n 25xx.

Cocles

L. B. 20723

W

Cocles

416 010 465 000 15



W8 Philos. 959



Ein kurtzer bericht
der ganzen phisionomey vnd
Ciromancy gezogē vß dem für
treffenlichen in dißen künsten
Bartholomeo Codici von
Bononia/ d' natürliche
kunst vnd artzney
Doctor.



Sie Vorred.

E Je phisionomy ist ein künigliche kunst durch welche die sitten der mensche durch vßwendige anzeigen clärlichen erkant werden/ dan dieweil das angesicht ein verräter oder darger ist des gemüts/vnd der gang das hertz endectt/ auch die stimmen (als Aristoreles sagt) zeichen seind der in wendigē gedencken/ Welche ding alle in der kunst Phisionomia begriffen werden. Lutius sillia vnd der Keyser habē offt (als horatius schreibt) durch diese kunst die heimlichē sitten vñ list irer feind erkent/ so hat plautus ein furtrefflicher poet leichtfertige schent liche lüt durch leibliche zeichen erkent. Weiter so hat Juuenalis sich d'kunst der natur nit vnbständig angezeigt/ so er den aller bösten mensche Zoylum

Univ. Bibl.
München

durch die aller bösten zeiche des leibs
bedütet. Deshalb auch die philo/
sophi bezügend/das die seel nach uol/
ge dem wesen des leibs/vnder welche
der aller berichtest plato in seiner phi/
siognomy schreibt also mit disen wor/
ten. Ein mensch welcher glider hat ei/
nem anderē thier gleich/der volget in
seinen sitten nach der natur des selbi/
gen thiers. Als welcher ein frumme/
naß hat/der lebet als der Adler/das
ist hochmütig/grausam vnd röbisch
Welche aber ein angesicht haben als
die Spangischen hund/seind zornig
vnd schwezig. Fürbas so gibt er bei/
spil vnd exemplē bey vil andern thie/
ren/welche hie von kürze wegen auf/
gelassen werden. Darumb so ist die
phisionomy ein kunst der natürliche
leydung der seelen/vnd zufellen des
leibs/vnd vbet sich in zweien dingen

A ij

das ist der Complexion vnd Compoſition des menschlichen leibs/welche durch vſſerliche zeichen/als die farb/lenge des leibs/sitten/gestalt der glieder/zeigend öffentlichen dʒ wesen der seelen. Nun hindan gesetzt die lenge der red/mag ein yeder auf disem kurzen büchlein vil grosser ding in diſſer kunſt begreiffen/welche sunſt weitlöſſig in vil blüchern zerſpreitet beſtritten
ſein.



Sas. i. capi. von den zeichen der ge-
sunden vñ francken leib vnd zu dem
ersten. von den zeichen einer
hitzigen Complexion.



Ere leib so natür-
lichen heiß sein/wachsen wol-
vnd bald/ als dan erscheint
in den iungen kinden) werdend gar
feist oder gar mager. Die aderen er-
scheinen allenthalbē/ir atkem ist lut.
ir stim ist vest starck vnd grob/in der
A iij

vntüschheit sein sie mechtig vñ vast be
girig/sie essen vnd dōwē wol/haben
vñ har vnd löck an allen orten/welche
zum teil grob seind als ygels har von
wegen der hitz des hertzen/als dan in
dem Löwen vnd hanē erscheint.

Von zeichen einer kalten com-/
plexion Sas .ij. ca.

 **I**e leib sonatür
lich kalt sein/wachsen lang-
sam vñ werde wenig feisst
die adern seind gross vnd offenbar/ir
athem klein vnd vborgen/die stim ist
scharpff vñ subtil/in der vntüschheit
sein sie schwach vnd haben selten lust
dar zu/Sie essen wenig/vnd dawen
die speiss nit wol/an dem leib sein sie
weiss/ir har ist lang vnd schlecht/sie
sein forchtsam vñ schwach zu arbeite.

**Sas. iij. ca. von zeichen des leibs
füchter complexion.**



Ye leib so von na
d tur feucht seind / haben weich
vnd leicht fleisch / ir gleich sein vborgē
vnd schwach / desshalb sy wenig arbeit
mögen leiden / Sie seind forchsam /
schlaffen nit wol vnd werde oftz zu vn
küscheit bewegt / sie habē auch wenig
har / ir ougē sein oftz fücht / ir harlöck
schlecht vnd subtil / sie haben ein gütē
verstand zu lernen. A iij

Von den zeichen einer trucknē
complexion. Cap. iiiij.

Obleib die natür.
ichen trucken sein, seind am
greissen ruch vnd mager vō
fleisch, starck vnd langwirig in der ar
beit, sie essen gern, die gleich der gliß
ston inē endeckt, ir har ist krus grob.

Von zeichen eins getēperierte vñ
gesunden leibs, ca. v.





Etempierte VII

gesunde leib / mögēnd wol
essen vñ trincke / vnd gute
speiſ schmacet in wol / auch so habē sic
hunger zu rechter zeit / sein frölich wo
man frölich ist / schlaffen senft / vñ be
finden sich allenthalbē leicht / sie schwie
gen bald vnd niessen selten / sie werde
auch mitelmessig feift / im angesicht
sein sie wol gferbt / am griff warm / ic
fünff empfintlichkeit sein in vñ vñ hindt.

Von den zeichen eins vngesun
den leibs. das . vi . capi.



Hgetē

perirte vñ
vbelgesun
de leib seind in allen
dingē den obgedach
ten vngleich / mögē
nit woleſſen / dōwen
vbel / vnd schmacet

Il v

in kein gewenliche speiss. wo man sich
frō wet da sein sie trurig/sie schlaffen
vbel/befindē sich schwer/gond schwer
lich/schwitzē selten od gar nimer/gō/
wen vñ niessen oft/die arm strecke sy
vō inē/im angesicht sein sie bleich od
zū vil rot/ir fünff empfintlichkeit sein
inē verletzt/arbeit mögen sie nit lang
leiden/sie seind vgißlich/werffen vil
vß dem mund vnd der nasen.

Von harlöcken des haupts.ca.vij.





Cblecht weiss

glat har / oder bleichfarb
subteil vnd weich har vff
dem haupt / bedütet ein
menschē der von natur forchtsam ist/
schwach vō krefften / fridsam vnd den-
lütten / allenthab geze vñ senftmütig.

Grob kurtz har als eins ygels / bedü-
tet ein starcken menschē / welcher sich//
er / kün / vnrüwig / bōß / betrüglich vñ
geitig ist / doch mer einfeltig dā weiss/
wiewol im das glück beistendig ist.

Vast krauß har bedütet ein men-//
schen harts verstands oder grosser ein-
fertigkeit / oder beide zusammen.



Welcher mensch vil hars hat an der
stirnen/der ist einfeltig/schnöd/vn/
künsch/glaubt bald/vnd hat ein püri
sche red vnd groben verstand.

Welcher vffgereckte harlöck hat/ der
ist einfeltig/gebertz/hoffertig/hartes
verstands/schnell zornig/verlogen/
vnkünsch/boschafftig/vn freuel.

Welcher an beiden ecken der stirnen
vffgereckte löck hat/vn die stirn sunst
kal ist/bedeut einen boschafftigen vn
einfeltigen menschen.

Welcher mensch vil hars allenthälbē
hat vff seinem haupt/der ist vnküsch
böß/schneller grimikeit/träg in seine
wercken/hat ein böße gedechtniß/ist
geytig vnd vnglückhaftig.

Rot har bedütet ein neidigen/giffi-
gen/betrüglichē hoffertige vnd vbel
redendē menschen.

Braun har bedüt ein gebürliche men-
schen in allen dingē/welcher eer lieb
hat/vn schnōdes rüms nit begert.

Brant schwartz har bedeüt ein gebür-
lichen menschen zu allen dingē/doch
mer zu gütē dan zu böscm/welcher
in seine ampt vn werck fleissig ist/ver-
schwige triuw vnd nit wol glückhaft.

Gleich gelb har/bedeut ein menschen
guter eigenschafft/welcher forchtsam
schamhaft/schwach/eins guten ver-
stands iſt/vnd doch böß glück hat.

Welcher mensch mitelmeßig hat hat
in der vile vñ auch der farben/der ist
gebürlich vnd me geneigt zu güt dā
zu bösem/welcher ein fridsams leben
reinitkeit vnd gute sitten lieb hat.

Ser in der iugent grau hat hat vnd
kal ist/der ist vnküsch/böß/gedürstig
vnstanchhaft vnd vil schwetzig

Von der stirnen.ca.viiij.





In runde vffer
hepte stirn bedeüt ein freyē
menschen gegen frindē vñ
erkantē/welcher frölich ist/eins guten
verstands/heltig gegen eim andern/
vnd mit vil tugenden vñgeben.
Ein glate ebne stirn von hüt vñ beir
on runtzlen./bedeüt ein menschen der
leichtlich zancket/böß/betrogen/vnd
doch mer einfeltig dan weiss ist.



Der ein cleine stirn hat/ist einfeltig/
zornig grusam/hübscher ding girig.

Welches stirn wol rund ist vñ an den
ecken der schläff vßgetruckt vnd bloß
von har/der ist eins gütten vnd klare
verstands/vast kün/in bösem hochmüt
tig/vnd begirig weltlicher eren vnd
der güter.

Welches stirn in den ecken der schläff
spitzig ist/der ist ein böser vnbesten/
diger mensch/einfeltig/vnd schwä/
cher begrifflichkeit;

Welches stirn an den schläffen ist von
grobem fleisch :üsamen getruckt/der
ist ein stoltzer hoffertiger zorniger mē
sch vnd hat ein groben verstand.

Welches stirn faltet ist vñ in der mit
te spält hat/der ist einfeltig/hochmüt
tig vnd hat doch böß gluick.

Welches stirn ai. allen orten groß ist/
etwas rund vnd bloß von har/der ist
kün/eines gütten verstands/witzig/
bößlistig/hochmütig/zornig/vnd
lügenhaftig.

Welches st̄rn vast lang vnd hoch iſt
in die runde also d; das angesicht ge-
gen dē kin sp̄z̄ig iſt/ der iſt einſeltig
ſchwach/ ſatzlich vnd hat böß glück.

Von den augbrāwē. Ca. jy.



Aſt gebogene bra-
wen welche ſich emſig in die
höhe bewegen/ bedüten ein
hoffertigen/ gehertzē/ eergitige/ kün-
truzigen/ geitigen menschen.

B

Welches brawē vnder sich hangen so
er mit einem andern redt oder ein an
dern ansicht/ bedüt ein boschafftigen
betruglichen/ verlognē verräterschen
tückischen menschen.

Welches brawen dünn sein bedüt ein
einfeltige/ schnöden/ schwachen men/
schen der bald grusam wirt/ doch vnd
der gesellschaft gnügsam gebürtlich.

Welches brawen vō natur vndersich
gebogen seind gleich als ob sie krauß
weren/ bedüt ein unschamhaftē/ tre/
gen/ argewenigen/ neidige menschen
verführer in vil dingēn.

Welches brawen kurtz sein vnd von
farb weiss oder braun/ bedütend ein
menschen zū allen dingē bequemlich/
frochsam/ der leichtlich glaubet/ vnd
zū verteren ist.

Von den vndern augbrawen
das. v. capitel.

MAn die vndern
augbrawen lang seind / so
bedüten sie ein menschen
der da etwas schwerer Be/
grifflichkeit vnd doch ein subtilen ver/
stand hat / der gröslich kün ist / vast
truw vnd volkumner früntschaft.

Von den Augen. cap. vi.



vij



Roße grobe au-
gen / welche weit vor dem
haupt ligen / bedüttend ein
menschen det gemeinlichen
träg ist / doch vnder weylen kün / nei-
dig / zu zeiten schamhaftig / verschwi-
gen / schnöd / leichtlich lugenhaftig /,
größlichen zornig / böser gedechtniß /
eines groben verstandts ist / vind vil
minder weiss dan er achtet.

Welches augen tieff in dem haupt
stond als ob sie verborgen weren / be-
deuten ein argkwenigen / boßhaftig
gen zornigen menschen / welcher böser
sitten ist / lang gedencket / kün ist vnd
grausam / leichtlich lügt / trutzig / le-
sterlich / vntküsich / hoffertig / neidig vñ
verfürig ist.

Welches augen vast herfür scheinent
bedüttend ein einfältigen narren / wel-

cher gar wenig scham hat / vnd doch
etwas geudig ist vnd vnderdienstlich
Aber sunst eins grobe verstands vnd
leichtlich zu verkeren.

Welche augen sharpff sehen vnd
die brauen mit fleiss vndersich hängen
bedüten ein boßhaftigen mensch
en welcher oft die lüt verfirt / falsch
treibet / lügt vnd alle boßheit vbet.



Welches augen klein vñ rund sein
bedüten ein schamhaftige schwachen
V iij

einfeltige mensche der bald glaubt w^z
im einer sagt/vn der eins groben ver-
stands ist/gmeinlich bōß glück hat.

Welches augen krum sein bedüte ein
betrüglichē listigen zornigē menschen.

Auge die mancherlei farb sein vñ vñ
schweifig bedüte ein verlogne vntüsch-
en/vnstanthaftigen mensche



Welches augen oft winckent vñ sich
hindersich vnd fürsich bewegen/bedü-
ten ein vntüschchen/vnstanthaftigen

verlognen / falschen / vngetruwē / yet
wegnen menschē / welcher hart einem
anderen glauben gibt.

Welches augen in dem weissen et /
was gelb seind / bedüten ein einfeltigē
verlognen / falschen / vntreuschen / vnu/
truwē / eigensinigē menschē.

Augen die sich vil bewegen / odet
hart oder langsam anschawen / die be-
dütten ein vast boshaftigen / trägen /
verlognen / vngetrufen / neidigen /
zengrischen menschen.

Rote augen oder schadhaftige vō
träubern oder blüt / bedüte ein zornigē
hoffertigē / vngedultigē / grausamē /
vnschamhaftigē / vngetrufen / ver-
lognen / schnöden menschen.

Welches augen grob seind als ochsen
augen / bedüten ein einfeltigē mensch
en eins trägen verstands / böser ge/
dechtis / vnd grober nartung.

B iiiij

Welches augen in der gestalt mit
telmeßig seind vnd sich ziehen vff sch
wertze/bedüten ein zimlichen frida/
men menschen/senfftmißig/stützlich
güts verstands vnd vnderdienstbar.

Von den Clasen. Cap viij.



In lange sub/
tile naß/bedütt ein künnen
sorghaftigen menschen/
welcher zornig/leichtfer//

tig ist / Bald glaubet / vñ sich bald von
einem ding vff das ander feret.

Welches naß lang ist vnd vnder/
sich hanget bedütet ein wizigen / ver-
borgnen / vnderdienstigen / getruwten
menschen / vnd frum in wercken.



Ein kumpfe nas bedütet ein vn/
gestümen / bösen / verlognen / unküs-
ch en / schwachen / vNSTANTHAFTIGEN men-
schen / der leichtlich glaubet / vnd hin-
vnd her fallet.

B v

Welches naß in der mitte breit ist/
der selbig ist verlogen/vnstat/vnteu
sch/claffig vnd hat böß glück.

Welches nas allenthalben grob ist
vnd damit lang/der selbig mensch ist
kübscher ding begirig/in bösen sachē
witzig/in gütē einfeltig/er hat auch
zimlich glück/kan wol etwas erdichten
so er etwas begert/ist verschwigen/
vnd weift auch vil minder dā er ver/
meinet zu wissen.

Welches nas vast scharpff ist/vnd
mitelmessig lang/kurtz vñ subteil/be
dürct ein menschen bald;ornig würt
der eigensinnig/kriegisch/vnleidig/
listig/bößhaftig trutzig vñ einer bö
sen gedechtnißt

Welches nas vast rund ist vnd clei
ne naßlöcher hat/der selb ist hoffertig
lebet grob/vnd glaubt bald/ist güdig
vnd kost frey.

Welches ras vast lang mer subeil da
grob vñ damit rund ist/bedüt ein ge
hertzē menschen zü reden/zü wercken
frum/leichtlich vngerecht/betrüglich
neidig vnd in vil weg boschaffig.



Welches ras vbersich zü samen ge
tructet vnd lang ist/bedüt ein gehex/
gen/hoffertigen/geitigen/zornigen
unküischen/ergeitigen untruwe vñ
zankischen menschen.

Welches nas in der mitte vast er/
hebt ist/bedütet ein verlognen/schnö-
den/vnstaten/vnküschen menschen/
welcher bald glaubet/vn vngewürlich
eins groben verstands/grober narüg
vnd mer einfältig dan weiss ist.

Welches nas mer rot ist dā gewon-
lich ist/bedütet ein geytigen/vnmil-
ten/vnküschen menschen/grober sin
vnd eins groben verstands.

Ein nas die zimlichen grob ist al/
lenthalben/über die puncten eben/bedü-
tet ein fridsamen/senftmütigen/
getruwen/arbeitsamen/verschwigne
menschen/vnd güts verstands.

Welches nas über die puncten et/
was harig ist/vnd darzū allenthalbe
grob/vnd oben an der sternen subteil
das bedeut ein menschen güter eigen
schafft in allen dingn.

Welches naß grob ist/mit weiten
löcheren/Bedeut ein menschen grobs
verstands/vn mer einfeltig dan weiss
verlogen/falsch/vntruw/zengkisch/
vnküsch/neidig/vn schnöd eer geitig.

Von dem mund. Cap. viii.

En grosser wey
ther mund bedüter ein gee
hertzen/vnschamhaftigen
leichtlich streitigen/verlog
nen/claffigen/frässigen vnreinen vn
weysen menschen.

Ein kleiner mund bedeut ein frids
samen/forchtsamen/getruwen/ver/
schwignen/kostfre;en/schamhaftige
gelirnigen menschen/der wenig ißet.

Welches mund stincket/bedeut ein
menschen welcher ein schadhaftige le
ber hat/der verlogen/schnöd/geil ist

falsch/ schwacher begrifflichkeit/ eines
groben verstands/neidig/ verfürig/
vnd aller bosheit vol

Welches mund wol schmacket/ bedür
ein zimlichen weyßen menschen/in ge
ben vnd nemen/welcher witzig/auch
verschwigen vnd hübscher ding begi
rig ist/getruw vñ bald zu verberē ist.

Von den lefftzen. Ca. viiiij.

Ast grobe lefftz
en aufwendig überstülp/
bedüten eine menschen der
mer einfeltig ist dan weyß/grob vnd
leichtlich zu allen dingē zu bereden.

Welches lefftzen zimlichen subteit/
vñ rswendig nit vast überstülp sein
bedüten ein bescheidnen menschen/
verschwigen in allen dingē/witzig.
zomig/vnd eins grossen verstands.

Lefftzen die wol geferbt vnd met subtil dan grob seind/ bedüten ein menschen gütter eigenschafft welcher leichtlich vff güt vñ böß zu wendē ist.

Welches lefftzen einand vngleich sein das ist einer grösser dan der ander bedüten ein einfeltigen/groben trägen menschen der mancherley glück hat.

Von den zenen. cap. xv.

Leine kurze vñ schwache zen bedüte ein schwachen menschen/güt vñ verstands/senftmütig/ satzlich/ getru verschwigen/ forchtsam/eins kurzen lebens zu bösem vñ güttem tögenlich.

Vngleichzei als etliche schmal/etliche breit/etlich dünn etlich dick/bedüten ein witzigen künem/vngedultige vñstanchafftigen menschen der doch güttes verstands ist.

Welches zen vast lang seind/ auch
scharpff/dünn vnd starck/ Bedüten
ein neidigen/vnmilten/ frässigen/ge-
dürstigen/vnschamhaftigē/falschen
vntruwen arckwenigen menschen.

Welches zen gelb oder braun seind
sie seyen kurtz oder lang/ bedeuten ein
menschen/ der mer thorechtig ist dan-
weiss/ der grob lebt/bald glaubet/ein-
trüben verstand hat/vnd sunst in al-
len dingen falsch ist.

Welches zen grob vnd breit seind/
auch vß oder ein getruckt seind/ bedü-
ten ein schnöden/leichtfertigen ein/
fertigen/ betrogenen/ vnd verlognen
menschen/welcher grobe narung hat
auch bald glaubet/vnd darzü schwa-
cher verfaßlichkeit ist.

Welches zen starck vnd dick seind/
bedeuten ein menschen langes lebens/

der hübscher ding begirig ist / hart
verfaßt / grobē verstand hat / hochmū
tig vast seynes sins ist / neuwe māren
tregt vnd der bald glaubet

Welches zen schwach / klein vñ dün
seind / bedüten ein menschen kurzs le
bens / witzig / gütter verfaßlichkeit / der
bald glaubt / gmeinlich schamhaftig
gebürlich / senftmütig vñ satzlich ist.

Welches zen starck vnd dīc seind /
bedüten ein menschen langes lebens /
der vñkeusch / frässig / kün / starck vnd
eigenſinnig ist.

Von der zungen. Cap. xvij.



Syn zung die zu
vil schnel ist zu reden / Bell
deut ein menschen der mer
einfältig ist dan weiss / eins grobē ver
stands / der auch bald glaubet vnd ist
leichtlich zu verderben.

C

Welcher stamelt in seiner red/ der
ist vast einfeltig/schnöd/vnstat/zorn/
nig vñ bald vō zorn bewegt zu friden.
vnderdienstig vnd schwach.

Welches zung vast grob vñ ruch ist
der selb ist fürwitzig/boschhaftig/zim-
lich vnderdienstig/vngedultig/ver/
schwige/vñ forchtsam

Ein subtile zung bedeut ein wiz-
gen forchtsamen/sinreichen mensche/
der bald glaubet/vnd leichtlichen zu
verkeeren ist.

Von dem lachen. Cap. xvij.

Arren lachend
vil/vnd auch die menschen
die ein groß miltz haben.

Welcher leichtlich lachet der ist ein
einfeltiger/ dar zu/ vNSTAchhaftig/.

get mensch/ eins groben verstandes/
grober narung/ vnderdienstlich auch
vnuerschwigen.

Welcher selten vñ kurtz lachet/ der
ist ein vnstat/ zrich vñ witzig mensch
der ein lutern verstand hat/ verschri-
gen/ vnd arbeitsam ist.

Backen die sich hart bewegē zu la-
chen/ bedūten ein menschen der weiss
ist/ vast seins sins/ furwitzig sunreich
gedultig/ fleissig in seiner kunst.

Welcher leichtlich lachet vñ damit
offt hūstet oder gōaret oder das haupt
truet/ bedūtet ein vnsterter/ neidiger
mensche.r/ der bald glaubt vnd leichts-
lich vmb zu reren ist.

So einer seine backen zusamē tru-
ket wan er lachet vnd damit eins an/
dern spotet/ der ist ein hoffertiger/ fal-
scher zorniger/ verlogner mensch.

C 15

Von dem fin. Ca. xvij.

In breits grobs
fin mit vil fleisch/ bedütet
ein fridsamē menschen der
mitelmessiger verfaßlichkeit vnd doch
grobs verstands ist/ darmit satzlich/
verschwigē vñ leichtlich vñ zükeren.

Ein scharpfes fin das vol fleisch
ist/ bedüt ein menschē gūts verstands
eins hohen herzen vñ gütter natung.

Ein gespalten fin bedeut ein friid
samen menschē/ grobs verstands/ der
schnōd ist/ bald eim anderen glaubt/
vnderdienstig vñ verschwige ist.

Ein scharpfes fin subteil vō fleisch
bedeut ein kinen/ streitigen/ zornigē/
vngedultigē forchtsamē menschen.

Ein feumes fin mit grüblin an de
wangen vñ mager von fleisch/ bedüt

ein bösen menschē der einfeltig/ gedür
stig/ hoffertig/ trutzig/ gäch zornig/

Von dem Bart. Cap. vij.

Nelches bart ov
denlich vud wolgeschickt/
auch dick von haren ist/ s
selbig mensch ist einer gü
ten natur/ vernüfftig in allen dingē.

Welcher wenig oder gar kein bart
hat/ der ist menlicher natur vast vn//
gleich vñ mer den weibern gleich/ vor
den selbigē ist sich wol zu hüten.

Von dem angesicht. ca .vij.

As angesicht /
welches oft schwitzet von
leichtlicher bewegung/ beu
deut ein menschen hitziger natur/ vñ
C iii

Keusch/frässig/eins grobe verstands/
vnd grober narung ist.

Ein fleischreiche s angesicht/bedeut
ein forchtsame menschen der zimliche
frölich ist/milt/beschcheiden/vnküsch/
böser gedechtniss/der bald glaubet/
satzlich ist gegen andn/vngebürtlichs
willens in seinem begeren/neidig ver-
wezen/vnd bald zu verkeren.

Ein magers angesicht/bedeut ein
fürwitzigen/müssame menschen/der
eines guten verstands ist/vnd doch
mer grausam da milt/schwacher ver-
fasslichkeit vnd vnleidig.

Ein kleines rundes angesicht/Be-
deut ein einfeltigen forchtsame schwä-
chen menschen der grober narung vñ
eins bösen verstands ist.

Welches angesicht einem truncke-
nen gleich ist/bedeut ein dollen/dum-
men narrechte haupterancke mensche.

Welches angesicht lang vñ mager
ist/bedeutet ein vast kinen menschen
mit worten vnd wercken/doch einfel-
tig/zenckisch/hoffertig/schmäflich/
falsch/milt/hart von sitten vnd zim-
lich vntreusch.

Welches angesicht kein fürtreffen
hat in lenge/ründe/magere vñ feisste
der selbig mensch ist bequemlich zü al-
len dingen/aber doch mer zü güttem
dan zü bößem.

Ein feisstes breites angesicht/bedeu-
tet ein menschen der mer einfeltig
dan weiss ist/der auch grobs vstands-
doll/eergerig/leichtlich zü verkeren/
vntreusch/vñ vergißlich ist.

Ein flaches angesicht/bedeut ein
menschen der güter eigenschaft ist zü
allen dingen/vnd gnügsam lieblich/
vnderdienstlich/bald glaubend/vnd

nit vast witzig/gnügsam truw/mer
einfeltig dan weiss/auch in widerwer-
tigem glück gedultig.

Welcher ein grübechtig angesicht
hat das mer mager dan feist ist/ber-
deut ein schmälichen menschen/der
betrüglich/verlogen/kün/zengkisch/
arbeitsam/eins groben verstands ein-
fertig vnd auch schnöd ist.

Welches angesicht vff alle geschick-
lichkeit mitelmessig ist/doch mer feist
dan mager/bedeut ein menschen der
in seiner red warhaftig/leichtlich un-
derdienstig vnd gemeinlich sinreich/
witzig vñ gütter gedechtniß ist.

Welches angesicht breiter ist vnde
von der stirnen biss zu dem gleich der
waigen/vnd höher wan darnach/be-
deut ein einfeltigen menschen in wor-

ten vñ wercke/der auch neidig/forcht
sam/betrogen/zengēisch/schwach/
grober narung vñ böß verstands ist.

Welches angesicht wolgeschickt ist
von fleisch/von farb vnd seine teilen
als augen vnd augbrauen. welche
es wolgefellig machend/bedeutet ge/
meinlich ein wolgeschickten menschen
zü güttem vnd bösem,

Ein bleiches angesicht/bedeut ein
menschen der nit wol gesund ist/vast
boschhaftig/heffertig/schnöd vnküsch
neidig vnd verwegen.

Welches angesicht wol geserbt ist/
bedeut ein menschen loblicher geschick
lichkeit in seiner Complexion/frölich/
bald glaubend/vnderdienstig/gütes
verstands/vnd vast leichtlich zü bcket
ren auff alle ding.

Von den Oren. ca. yxi.

Elches Øren
gross vnd grob seind/ bedüten ein einfeligen/torechten
trägen menschen/eins grobe verstands,
grober narung vnd böser gedenkniß.

Welches oren vast klein vñ subtil sein
bedüten ein menschen güt verstands/
der weiss/verschwigen/fridsam versten
dig forchesam/eerlich/rein schamhaft/
guter gedenkniß vñ vnderdienstig ist.

Welches oren etwas lang vñ über die
maß breit sein/ bedüten ein künnen/vns
verschamten/faulen/vn weisen mensche
der nit gern arbeit vnd vil frist.

Von dem haupt. Cap. yyiij.



In groß haupt
das an allen orten rotund
ist/bedeut ein verschwiges
nen/witzigen/sinnreichen
bescheidenen menschen der grosser einbil
dung ist/arbeitsam/schanchaffig vnd
darzū satzlich.

Welches haupt vndersich geneigt ist
vnd ein dicken halß hat/bedeutet ein wi
zigen/zeihen/fridsamen/verschwignen
eigen sinnige menschen.

Welcher ein langes haupt hat mit ei
nem langen vngestalten angesicht/der
ist ein boschaffiger/einfeltiger narr in
allen dingē zc.

Welcher das haupt hin vnd her wen
det/der ist ein narr/verlogen/einfeltig
verwegen/onstanchafft böß verstands
gūdig vnd kläffig.

Ein grobes haupt mit einem brei-
ten angesicht/ bedeut ein argwenige
gedürstigen/ geytigen/ fürwitzigen/
vnuerschamptē menschen.

Ein grobes haupt mit einem vn/
gestalten angesicht vnd kurzen hals/
Bedeut ein menschen der in im selber
genüg weiss ist/ verschwigen/ sinreich
stanchafftig/ getruw/ warhafftig vñ
gegen vilen gebürlich.

Ein kleins haupt mit eim kleinen
langen hals/ bedüt ein vast schwache
vnweyßen menschen/ der wenig ißet/
vnd böß glück hat.

Von dem hals. Cap. xxij.

Hals mager oder feist/ Be-
deut ein erengeitige/ vnd
forchtsamen/ geylen zornigen vngel-
dultige menschen.

Welches hals mager vnd subteil
ist also das man die aderē daran sieht
bedeut ein menschen der da böß glück
hat vnd schwach forchtsam träg/gro
ber narung/der bald glaubet vnd zu
allen dingen zu verkeren ist.

Ein langer hals bedeut ein einfel/
tigen/vnuerschwignē/forchtsamen/
schwachen/betrüglichien menschen/da
vngelirnig ist vnd bald zu verkeren

Welches hals kurtz ist/bedeut ein
witzigen/klügen/verschwignen/stät
haftigen/zornigen sinreichen/zim
lich fridsame menschen/der auch fo
chtsam ist.

Von der farb des angesichts

Die farb des angesichts mit über
schutz oder mit mässigkeit überzogen
gibt für gleich als in den gemolte bild

nissen ein bewarte oder vnbewerte an
zöigung. Rote farb des angesichts
ist allenthalben verdecklich/ vnd auf
gemeiner erfarniß zeigt sie an ein hi
zige Complexion des menschen.

So ist dagegen vnloblich die dülfte
lische bleyferbig oder erdfar farb des
angesichts/ dan über das sie anzeigen
ein Saturnische vnliebliche art/ so
hangen ir neben an die aller bösesten
teizung/ innerlichs gemüts als neid
zorn/ hass/ vnd groll/ stiftung vñ vff
satz zu aller vnbillichkeit vñ Bosheit.

Weysse farb der angesicht ist wei
bisch/ kalt vnd weich/ vñ zeiget auch
an eine falten menschen. Es sey dan
das die weyße mit etwas zierlicher rö
te vermengt sey/ als dan ist sie ein zei
chen einer loblichen sanguinische com
plexion/ welche die aller edelst comple
xion ist vnder den anderē/ die den me
schē zu aller erberkeit geneigt macht.

Von der Haut des Leibs. ca. xvij

Het die Haut des
Leibs zart und rein/ dazum
Schön gehalten mit lindem
Fleisch/ von etlicher Mass rot
Ferbig/ vorab im Angesicht/ so ist der
Mensch loblicher gesunder complexio
in dem ein wolfertig blut herschet.

Ein weisse fleischige linde Haut ist
phlegmatisch von feucht. Ein braune
mit etlicher rote/ cholerisch von hitzig.

Ein schwartze oder bleiche melancho
lisch/ oder eins verbrent bluts.

Also auch/ ist die Haut runzgelech/
strupfig und voller aderen/ so ist der
Mensch cholerisch. Dagegen ein zarte
weisse (wie gesagt ist) phlegmatisch.

பின்னால் என்கொண்டிருக்கிறோம்

Geographia

१८५
विश्वासाना तुम्ही यो मूर्खाना, दीप
त्वार ही एक चारों तालों चेतना अपारी
आयोग नाही तुम्हारा ॥ ४ ॥ ब्रह्मलोक विश्वास
विश्वासाना तुम्ही यो मूर्खाना, दीप

Nun folgt hernach von der Kunſte
Ciromantia/ das ist zu ſehen in
den henden was ein yetli-
cher genauirt ist.



S

Sem wolgeborene heren her Johanni
francisco cozahe margraue zu matua
enbüt Andreas cornius vil heil.

Gnediger fürst/dz büch der kunst cy
romantie in vordre iaren deiner gna
den zügeeignet vñ dediciert/hab ich
vnderstandē vßlassen zegon/nach dē
vñ mich vil güter fründ vñ güner ge
betē hond/welcher ersamen/bit ich mi
ch doch mit ganz erbotē het/es wer dā
das dein erlicher nam vor geschribē dz
büch vñ den macher desbüchs beschir
men vor denen die der kunst Ciromā
tie vbel nach reden. Sarüb wie das
büchlū vnerschroken ist yngangē dei
nen sal der mit aller tuget geziert ist/
also beschirmt mit deim schilt sol es si
cher vßgō in all welt/mit welcher hilf
du dir vberkumen hast bei d triumph
welche die götin Pallas bleicht/dz ist
mit sagen vñ kunst Appollinis. Da
mit entpfilhe ich mich deiner gnad.

Ses vbertrœslichen vnd sunderlichen
des aler geübsteu in der kunst Chiro-
mantia magistri Andree Corui von
Mirandula buchlin zugeeignet vnd
dediciert de edlen fursten Joha-
ni Francisco Margrauen
zü Mantua.
Vorred diß Buchlins.

He kunst der Ci-
cromatia/ die da flüst vñ en-
springt vñ der vbertrœsliche
schül der philosophen vñ wegen der er-
farung derschrift vñ figurē der hand
mit iren liniē/wellen wir in vil capi-
tel zerteilen mit iren liniē/bergē vñ
ebne die in der hand erfunden werde
vñ daruß mögen wir erkennen mägeri
bedütnis vnd vil künftige ding. Ob
gleich ein gmeiner mä erstmals die re-
cht kunst nit sunt/ ist im doch kurz wil-
ig bis er kent die liniē vñ Berg d hand
darnach diß buchlis kunst vñ spreche.

Von den bergen der hand.
Das. i. capitell.

Sist zu wissen
das die hand des menschen
wirt in fünff finger geteilt
vnd welchen der erst der zwey gleich
oder gleich hat/nent man den Somen
zu latin Pollex. Der and finger an
de mit dreyen gliedern wirt genant zo
ger/zu latin Index od demonstratus
Der dritte heisst man den mitlen fin
ger/zu latin Medius. Der fiert der
heisst goldfinger/in latin Annularis
Der letzt wirt genant der or finger/
zu latin Auricularis. Nun ist de ob
genante fingre ietlichem zugeben ein
wenig spatium od ebne nach vsteilung
der finger vo wege mancherley bedüt
nis in de leben des menschen/welche
spatium manent ein berg/in lati mōs
als ma wirt sehen in d nechste figur.

Zu dē ersten / d Berg oß mons des doß
men wirt genant mons Veneris wel-
cher berg mit d figur ♀ bezeichnet ist.
Item der Berg des zōgers wirt genāt
mons Iouis / vñ ist mit diser figur ♀
bezeichnet. Den mitlē finger heissen
wir montē Saturni mit der figur ♂
Item der Berg oß mons Solis der ist
vnd dem goldfinger mit diser figur ☽
Aber der orfinger hat vnder im mon-
te Mercurij mit diser figur ☾. Noch
seind zwey berg vorhanden / von den
nen hernach wirt gesagt.

Von den liniē der hand dz. ii. ca.

Sist zu merckē
das in der hand vil linien
sein / welche linien die erste
die in dē gleich der hand vñ des arms
ist / wirt genāt Restricta / von diser li-
nia wellen wir vō ersten sagen / mit da-
rumb dz sie die sein daran am meiste
Sijj

gelegen sey/ aber darüb dʒ sie an dē er
sten gleich oð glid der hand ist an wel
cher stat etwā zwei/drei oð vier linien
sein/ die werde all restricta oð restricte
genet/ dise lini bedüt menschlich ster
cke oð schwacheit/langwirkeit oð für
ze des lebens/in welcher zeit seins al
ters der mensch glick oð vnglick habē
sol/vn was gesagt wirt vō gsuntheit
oð glück/dʒ wirt auch vstande vō an
dn glücklichen zufelle als reichtüb vn
armüt. Sie and lini wirt genant die
lini des lebes oð dʒ recht oit des trian
gels zū latin linea vite oð cordis vnd
dise lini vahet an bei der miteln lini/
vō deren wir auch bald sagen werde/
Zwischen dē domen vn zōger vmbget
den berg des domen vn get biß vff dʒ
gleich d hand/welchs Restricta heisst
Aber die lini die bei d lini des lebens
anfacht vn gat durch dʒ mitel d hand
biß in wiðschlag/wirt genat lini des

haups od die natürlich mitel lini zü
latin linea capit od media naturalis
od sinistra trianguli.. Sie viert lini
wirt genet lini des tischs in lati men-
salis/die lini fahrt an vnd dē berg des
orfingers/get durch die hant bis züm
berg des zōgers. Sie vberget etwan
den berg des orfingers etwā get sie in
die lini des lebens vñ zwische dē mitlē
finger/etwā wirt sie vsteilt in vil est
vō welcher vwandlung hat sy mancher
lei bediutniß/etwā get sie in massen ei-
nes asts ins zōgers berg. Die funft li-
ni die vō gleich der hand od restrickt
vff gat zü den fingerē wirt genat lini
des glücks od lini Saturni/dise lini
kumt zehilff dē andn linie die vlleicht
irer eignē krafft beraubt werdē/etwā
vß der lini enspringt ein and lini die
gegē der hant hindisch get/so sie zü dē
mitel lini get/wirt ein triägel/darüb
wirt sie genet des triägels fundamēt.

S iij

Diese lini fint man vndweil gar nitt
etwan gat sie bis an die mitel lini vñ
nit weiter/etwā bis an den berg Sa
turni/vndweil ist sie zügefügt der li
nien des lebens/etwan wirt sie in der
mitte gesetze mit drei od fier esten die
da gond zü der mitle linien vñ etwan
wirt sie zerstört in dē mitel der hand.
Vnd so dise fünff linien in einer zim
lichen schicklichkeit od proportz zü samē
ston/so bleibt ein spatii zwischen der
mitlen linie vnd d lini des tischs wel
ches spatii wirt genat ein quadrāgel
od der tisch der hand zü latin quadra
gulus od mensa manus/diss spatius
end ist d hand widerschlag/dā es gat
zü end des orfingers.Soch zü wissen
ist d̄z der nam diss ends wirt verendt
dan an der stat erscheinē etwan cleine
linien od kritz/dz bedüt hund biss/ab
er das spatii dz nach an dem ist/vnd
wirt begriffen vsserthalb des driang"

els/vn gat bis zum gleich d hand od
restrickt/etlich nenē es den berg d hād
etlich die rüsten d hand/aber wir wel
lens nenē den berg des Mons zū latī
montē lune/das d mon sein influenz
da erzōgt/dan im selbē berg werdē li
nien fundē die da glück züstiftē od an
der hantierūg vff dē wasser/mit kauf
manschafft oder and handel nach d li
nien eigenschafft bedütnis/vn diweil
d mon herschet vber d; wasser so wirt
der berg genēt d berg des mons/vnd
bezeichnet mit diser figur C. Das spa
tium an d hand vn am berg des mōs
d; begriffen wirt zwischē den dreyē li/
nien/d; ist zwischen der lini des lebēs
vn der mitel liniē vn lini des glücks/
welchē spatiu garnach mitē in d hand
ist heisst d berg martis/d das zeichen
hat ♀/disse gemelte ding werdē wir an
zeigē in einer hand/dā dise ding wer/
den wir in mancherlei zeichen d hend
setzen.

S v

Von d zerteilung disß buchis. ca. iii.

Ise hant als vor
gesagt ist zerteile wir in vn
dsheid / vff dʒ wir nachfolge
der ordnung der finger wie sie nach ein
and sten vñ ir berg / darnach in sechs
teil od linien / vnd denen sein drey für
nemlich / vff die man am meisten acht
hat / diſe lini sein etwā zwifach vñ vō
den andn vnd schidlich / etwā seint sie
gar aneinand dʒ sie nit zerbrochē sein
etwan nit gar ganz / als mā offt sicht
Diſe liniē die sie vō den principalen
scheidē werden ir schwester genēt / di
ſe ding werde anzeigen in diſem buchel
dʒ wir nenen Theoric od speculatiū d
kunſt Chiromātie / vñ wellen es teilen
in vii capitel / so wir redē werden i von
den bergen vñ linien d hand / so die na
tur gemacht hat vñ ir bedütniss habē
vō zufellen die dē menschen zufelt / di

se ding all kumē vō wegen mancherlei
gewalt vñ i inflēt des himels / sprechē
ptolomeus Ali vñ Albumasar / dar-
nach wellen wir dz büchlin teile in vil
hend / vñ einer yetliche hand ic besun-
dere linien vñ bedütnis offenbaren.

Von den dreyen furnemlichsten linien /
die da entspringē von drei prin-
cipal glidern. cap. iiiij.

Natürliche furnemlich od prin-
cipal linien sein / zimpt sich
von in zum ersten zesage / dan sie be-
dütē eigenschafft dreier furnemlicher
glider des menschen / vnd welchen gli-
dern das erst ist das hertz / das am an-
fang des lebens vnd auch ein end ist.
Das ander principal gelid des men-
schen / das ist die Leber / wan sie ein
vrsach ist das das Hertz lebt / wan sie
vertzert vnd verdeüt die speiß vñ ma-

mit rein dz geplüt/gibt narüg dē her
gen wie den andn glidern. Das drit
fürnemlich glid ist dz hirn/wan es dē
mensche vernüfft vñ bewegliket gibt
Darüb wellen wir vō den liniē schrei
ben in massen wie hernach volgt.

Als nun die menschlich hand vō na
tur geschaffen vñ geordnet ist als ein
instrumēt vber all instrumēt/als ein
glid vber all glid/als dan sprechen al
philosophi vñ vorab d̄ fürst aller phi
losophen Aristoteles/dā die hant des
menschen müß allen andn glidre die
nen vñ behilflich sein/vñ so die krafft
vñ tuget aller glid zūsamē kumē in d̄
geburt des mensche/darüb die ganz
cōplex des menschen wirt gesetze in d̄
hant. Darüb ein yedes glid ein zeichē
in der hand hat/es sei klein od groß/
nach dis glids krafft od tugent/darü
hat die hand mancherlei lini vñ figu
ren vß welcher die Ciromātici vō der

complex des menschē sagen kündē/ vnd
vō andn dingen die dē menschē im le-
ben mögē züston/zü gleicher weis als
vſ etlichen zeichē die vō natur in der
geburt des menschen beschehen vō we-
gen der tuget die d hand vō allen gli-
dern wirt geben. Möcht einer fragē
Es sein wol fier od fünff principal li-
nien in der hant/ als Restricta/ die li-
ni des lebēs/ des glücks/ die natürlich
lini/ vñ die lini des tischs/ vñ sein nū
drü principal vñ fürnemlich glied/ wie
wirt dan einer yeden liniē ein glied zü
geben/ dʒ drü principal dlieder sein on
welch der mensch nit lebē mag ist vor-
gsagt. Das erst ist dʒ hertz/ dʒ ander
die leber/ dʒ drit das hirn. Zü einer
antwort vñ daruß die beschlusred ge-
numē mag werden ist zü mercken/ dʒ
hertz des menschen zueignet im in d
hand die lini des lebens welch lini be-
dür dʒ leben des menschen wie lang se

leben. sol/wie vñ er Franckheit wirt ha
ben. Also auch die leber ir lini in der
hant hat/die selb lini fahet an bei der
restrictet/im anfang wirt sy offt der li
ni des lebens zügefüg't/vnd gat zu d
mitlē lini vñ hōrt da vff/etwā get sie
biß zu der lini des tisch's. Auch hat dz
haupt oder dz hinc die lini dy mit der
lini des lebens anfahet/vñ get durch
dz mitel der hand. Diese lini ist etwā
der lini des lebens zügefüg't/etwā gan
g vō ir zerteilt/dweil der mag gmein
schafft hat mit dē haupt. vñ hat schier
ein buntschafft mit im od anhang/da
rūb wirt diselini auch genāt lini des
magēs. Sie viert lini metalis kump
vō krafft des ganzē libs/welcher lini
anfang ist bei dē widerschlag d hand/
od bei dē berg mercurij/welch als vor
gesagt ist etwā mit zweien/etwā mit
dreyen esten/etwā allein vñ bloß etwā
in masßen ei:is asts get sie heruß/aber

am meistē nahet sy sich dē zōger / doch
etwan get sie ; wischen den mitlen fin-
ger vñ dem zōger. vnd weil wirt sie zū-
gesfügt der mitlen lini vñ der lini des
lebens. Aber am meistē wirt ; wische
diser lini vnd der lini des haupts ver-
lassen ein spatiū das genēt wirt der ti-
sch od quadrangēl zū latin mensa ma-
nus od quadrāgulus. Darüb ist das
die beschlußred diser frag / wiewol me
principal linien in der hand seind / vß
welchen man mag von cōplexion des
menschen sage / yedoch werde die drey
die fürnemlichsten geacht / vō wegen
wie vor gesagt ist der dreyē fürnemli-
chsten glider / vō welchen sie entsprin-
gen / das ist das des haupts des hertze
vnd der lebern / on welche drü glider
der mensch nit leben mag.

Von d lini des lebens bezeichnet
in der erste gmeine hand also da-
ziffer zwei .z. stond. ca. v.

Is spatium ō hād
zwischen der mitlen lini vñ
des tischs lini/die menſe ō
quadrāgulus wirt genāt vñ nit alwe
gen gfundē vorab so die lini des tisch
vñ lini des haupts zū einand kumen
also dz sie für eine werden gerechnet.
Aber zū wissen ist/dz es kumpt vom
miltz/darüb wan diß spatium vol klei
ner linien ist vñ verwirt in maſen ei
nes knopfs bedüt gſuntheit des miltz
herwiderüb so es frum ist bedüt es dz
widerspil/auch sein and klein linien/
heissen deren ſchwesterl/wan die lini
des lebens ist lang vñ ganz das kein
bruch darzwischen ist vñ wol geferbt/
bedüt ein gesunt lebē mit wenig kraſ
keiten/herwiderū dz widwerig bedüt
das widerspil. Mā virtus vitalis:dz
ist/die lebendig krafft des menschen
ſchwach ist /so ist die liniē des lebens
auch schwach ſubtil vñ zerbrochē. So

aber virtus vitalis stark vñ einer güt
ten cōplex ist/ so ist die lini breit lang
stark vñ wolgferbt sy müß auch gätz
sein vñ nit zerteilt/ wā die zerteilung
kumt vō blüt das dē hertzen vnd den
andn gliðn dz lebē gibt/ darüb bedür
es ein geschickte vnißchüg vnd pporg
in den natürliche füchtikeitē/ vnd wā
die lini des lebens gross feist vnd wol
geserbt ist vñ doch zerteilt/ so ist es nit
ein güt zeichen/ dā es bedür die leben
dig krafft des menschē im anfang sta
rck sein/ vnd in nachfolgend zeit etwz
mangel haben an d̄ lebendigen krafft
vō wegen der vnzimlichen vnißchüg
des blüts vnd d̄ andern füchtikeiten/
Darū ist not dz dise lini in einer zim
lichen weite vnd nehe vō der lebern li
ni sei(dz ist die lini des glücks) dā ist
sie zū weit vō ir/ so bedür sie dz die le
ber des hertzens natur beraubt ist vñ
hat mit im kein gmēinschaft/ vnd dz

L

blüt d; von s lebern kumpt vñ gema
cht wirt hat gar kein teperantz od pro
portz zü der narüg des hertzens. Ist es
aber sach d; dise lini nach by d lini der
leber iſt bedüt vberflissigkeit des blüts
d; die nar nrlich hitz des hertzes möchr
vberwindē vnd gar nid trucken/d; es
kein krafft het/darüb müffen die lini
en in zimlicher weite vō einand ston.
Es ist auch gewissen so dise lini kurtz
klein vñ bleich ist/bedüt sy schwachheit
des magens vñ der leber vnd mangel
natürlicher hitz in ic/darüb macht d;
blüt das daruon kumpt ein böße naſ
rung dē ganzen leib. Darüb ist das
geredt in einer sum/welcher mensch
ein gesund lang lebē wirt fierer/dem
müß die lini des lebens lang vñ breit
sein in einer zimlichen weite gegē der
lini der lebern/vnd das auch die lini
der lebern sei in einer zimlichen größe
vnd darzü auch wol geserbet.

Van mā fint in d̄ lini des haups oß
des lebens ein zeichē gemacht in maß
en wie der büstab o/ bedüt dz der men
sch ein aug wirt verlierē/ sein der zei//
chen zwei so wirt es zwei verlierē/ also
auch wā man sie fint in mensali.

Warūb der andn glider lini auch mit
in d̄ hand sein vñ von dreien tugendē
die zü dē leben not seind; cap. vi.

Hie zeichē wer
den selten gefundē o/wie/
wol ein yeglich gliid sol ein
sunder zeichen in der hant
haben. Doch zü einer vnderweisung
ist zü erkennē/ als dan auch sagen die
naturlichen meister/ das dise tugent
vñ krafft des leibs wirt geregiert vō
der influenz der Hymeln/ vnd auch
vō den engeln die die hymel oder sper
der planeten/ welcher gewalt flüsst vñ
entspringt vo oldem oberste güt/ von

Lij

der ersten vrsach / dz ist vō got dē herē
Vn sein fier virtutes od tugent die
not sein vff dz der mensch lebe. Zū dē
ersten ist virtus vitalis / gehört dē her
zen zū / dz ist die krafft von welcher er
lebt. Sie ander krafft heisst vtus na
turalis gehört der lebern zū / dz ist die
tugēt dz die speiss ver;ert wird zū vff
enthaltung des leibs. Sie drit vtus ist
genant animalis gehört dē hirn zū / das
ist die krafft dz sie der mensch mög be
wegen. Sie viert kumpt vō den dreiē
die regiert den ganzen leib / dz ist von
dem hertzen lebern vnd hirn / die drei
seind die fir nemlichsten virtutes / on
welche der mensch nit lebē mag. Sie
tugent der andn glider sein dem men
schen geben zū einer zierd nit zū einer
noturfft / dan on. die möcht einer wol
leben / als die tugent der augen. Sa
rüb die aller oberst natur tugent vnd
influenz des himels fewers ist die für

nemlichsten drei tugent darüb die zeichen vnd linien in d hand von ersten
gemacht seind. Aber der andn glider natur vnd tugent die nit not sein zu
dem lebē ist die oberst natur nit also
sorgfältig in des menschē hand machē
Darüb die natur der andn glied kraft
vnd tugent nit alweg formiert in die
hand aber doch wan die natur etwas
gross wil anzögē es sey güt od böß so
gibt sie des einzeichen weiter dan die
vorgenantē tugent. Darum in einer
ieden hant sein vier fürnemlich linie
die andn fint man nit alweg sein sie
aber da so bedüte sie etwas treffenli/
chs es sei güt od böß Darüb ist diese
kunst vnd wosffen d kunst Astrologi.

Von der lini des haubts.ca. vij.



DIE LINI DES LE
bens breit vnd lang ist vñ
einer zimliche geschicklichkeit



E iiij

vñ die lini der lebern auch also. Aber
die lini des haupts ist dün vñ clein be-
düt ein langwirige menschen/ doch d-
ein wenig thorechtig ist vñ kleine ver-
nunfft hat/vrsach ist vormals gesagt
dan so die lini des lebens wol geschickt
vñ formiert ist/ bedüt sie langs leben
vñ so die lini des haupts clein vñ dün
ist/ bedüt sie schwacheit des hirns/vß
welche kumpt dan dürheit vñ gebrüst
der vñunfft. Wen die lini des haupts
sei zerteilt wie ein gabel gegen der re-
strict vñ nit gerad ist/ bedüt das der
mensch zweierlei stand vnderstet sein
hertz ist nit riwig in eim/sund er ver-
sücht mächerlei. So die lini grad get
gegen dē berg der hand/dz ist gegē dē
berg des mons bedüt das der mensch
sein gedenckē neigt zu dē bösen/vñ ist
on gots forcht/vñ ist vast gepinigt vō
wegen grosser begir güt zubesitzen od
zu vberküme. Wan aber dise lini sich

zerteilt gegē dem wißschlag der hand
bedüt sie das der mensch sein sittē vñ
geberd mit gotzforcht zü dē gütē fert.
So die lini nit grad ist sunder krum
vñ zerteilt/ist ein zeichen das dz glid
das die lini macht swach ist vñ gebre/
sten hat/ hierüb bedüt es dz dem hirn
mangel ist in animali virtute (von
welcher vor gesaget ist) Vß welchem
auch kumpt/das der will des selbigen
menschen ist vñstät zü mancherley ge
dancken güt vnd böß geneigt.

Von der lini der leber. cap. viij.

Die lini der le
ber lang breit vnd schön
geferbet ist/ so bedütet sie
langwirkeit des lebens vnd complex
herwiderüb wā sie clein dün vñ kurz
ist/ bedüt sie das widerspil. Die leber
ist ein glied vnd den dreyē fürnemlich
E iij

sten gliedn / die machen die drei fürnem
lichsten linien die not sein zu dē leben
vō welcher das blüt kumt dz den gan
zen leib ernert / darüb wan ir lini wol
gemacht ist vnd in einer gütten pportz
bedütt das die leber vnd dz blüt gsunt
ist. Darumb für die grōst regel ist zu
mercken / das glid des menschen einer
gütten disposition ist / wan die lini die
vō ir kumt wol geschickt vñ formiert
ist. Dan als die natürliche meister sa
gen / das werck od arbeit zögt an vnd
wirt vgleicht seim meister od macher
Man dise lini rot gferbt ist / bedütt sy
ein schon luter blüt vnd ein gesund le
ben / wan dz blüt ernert den leib. So
dise lini zerteilt ist / bedeut sie ein böß
geblüt vō wegen einer bösen dispositz
der leber die ein böß geblüt macht / da
rumb macht sie ein vnuolkumne lini
Ist die lini der leber kurtz vñ nit anei
and vñ rot an dē ort da sie zu deshau

pts lini get/bedüt des haupcs blödig
keit die vō der leber kumt. Ist sie aber
an irem anfang zerteilt vñ getzū der
lini des lebens bedüt sie franckheit des
herzens die auch vō der leber kumpt.

Von dē triangel s hand/vñ von den
liniē des tischs vñ von dē tisch.ca. ix.

M On dem triägel
ist vormals gesagt wie er ge-
macht wirt vnd welchē plas-
neten er zugeben ist/darüb wan diser
triägel an den dreyē ecken gleich ist in
den linien/bedüt ein langwirige vnd
frumē menschen. vñ vorab wā die drü
eck sharpff vñ wol gemacht sein/her-
widerū wan das widwertig erfundē
wirt/bedüt es auch das widspil in sit-
ten vnd im leben. Wan der tisch in s
hand lang ist vnd vil kleine fritz od li-
nien. hat die gegen dē berg iouis gond
vnd bwandelt werdē/bedüten sie ein

L v

gsundē leib vnd ein güt gemüit / des /
gleichen wirt auch gachtet vō der lini
selbs die mensalis wirt genāt / dan sy
kumpt vō allen gliōn des leibs / darū
wan sie mit sollichen clarliche zeichen
ist geformiert / bedüt sie ein gütē leib
vñ ein güts volkumen gemüit. Wan
sich disē lini endet zwischen dē zeuger
vnd dē mitlen finger so bedüt es blüt
vergiessen / es sei vō dem haupt / also
dʒ ein mensch in dem haupt geschedi
get oder geworffen wirt oð der gleiche
als die heimlich kräckeit der weiber oð
brestē des bauchs als da ist der rot scha
den oð geserlichkeit in der fintbet / also
dʒ die frucht möcht tod an die welt ku
men oð sunst schadē oder blüt blaßen
auß der scham der weiber / darzū mit
besorgung des tods. Wan mensalis die
gerecht hand durchgat / bedeut es ein
herten grülichen menschē der zu keim
rat nutz oð güt ist vñ ein unwirschen

menschē in dem kein hoffnūg ist. Ist
aber diese lini der lini des haupts zuge-
fügt/bedüt vberflüss der cōplexy die co-
lerica genāt wirt ein kriegisch zeneckē/
schen menschē der schnōd gedanckē in-
im tregt vñ geneigt ist zu tod schlage
darüb ist zumercken das ein yede lini
die ir zimlich lini nit hat/oder die sel-
big vbercrit kumpt vñ entspringt vō
wegē vberflüssiger hitz/vnd vorab so
sie nit an irem rechte ort stet/Darüb
wā die lini des tischs also geendt wirt
so bedüt es ein menschen der geneigt
ist zu krieg oder hader/vnd der vber-
ander menschen herschen wil mit grū/
me zorn vnd auch tod schlage/als von
natur seind die vō der complexiō die
Colerica genāt wirt sein/vnd wan die
se lini kumpt zu der linien des lebens
so bedüt es ein lugenhafftige betrügli-
gen menschen mit schmeichel worten
D3 ist zemercke/wan die liniē d hand

mit stond in einer geschickte pportz ges-
gen einand/ also das ein yede nit stot
an irem zugelegte ort/ so bedüt es der
natürliche hitz schwacheit /darüb wā
mensalis nit ist an ire rechten ort/sun-
der zu des haupts lini/ bedüt es man-
gel der natürlichen hitz die vō haupt
kumpt/darüb sein die selben mensche
kleiner vnufft vnd erkantnis/ vñ haue
ben falsche meinüg vor inen/die men-
schen zu betriegē/das kumpt von des
hirms trückne vō wegen d bösen vber
flüssigen hitz/ vnd wie vor gesagt ist
des tischs lini kumpt vō allen gliedn/
dan alle zufallende ding werde vß di-
ser linien genumen.

Von dē tisch der hand .cap.v.

Ertisch der hād
(der zwischen der mitlen lini
vñ der lini des tischs ist)
der eng ist in d mitte/bedüt ein karge

geitigē menschē. Ist aber mensa breit
in der mitte/ so bedütt es eine der kein
maß hat in kosten sund er gibt reilich
vnd weist nit wā er geben sol/glaubt
auch gern/vn durch vil glaubens wes
gen offt betrogē wirt/wā aber mensa
klein ist/bedütt es ein mitlen menschē.
Vnd dieweil mā in der hand kan die
complex erkennē/ als dʒ mancherlei ist/
dā die lini des tischs hat bedütnis vō
ganzē leib/darüb so die lini des hau/
pts ver da vō stot/bedütt mangel der
natürliche hitz/die zwo linien mögen
auch nit zweit vō einand ston/herwi/
derū wan dʒ widwertig ist/ bedütt es
dʒ widspil/ston aber die zwo lini in ei/
ner zimlichē weite vō einand so bedütt
es ein gute temperanz d natürlichen
hitz. Also ist auch zuerkenē an dē tisch
der hand/wā kalte complex mangelt
der natürlichen hitz/das macht einen
engen m:sam/der da bedütt ein farge

menschen vñ ein cleinnütige/ aber so
der tisch groß vnd weit ist/ bedüt vil
natürliche hitz in dē menschen/ der rei-
lich vñ gibt vñ glaubhaftig ist. Ist d
tisch der hand in einer zimlichē weite-
also dʒ er nit zü weit noch zü klein ist
bedüt es ein güt regiment in dē mens-
schen der gesund messig vnd milt ist
auch tugentreich vñ gotföchtig. So
aber der tisch des menschen gegen dē
widerschlag d hand weit ist vnd oben
eng/ bedüt ein menschē der in d iugēt
karg ist/ aber im alter wirt er reylich/
herwidum dʒ widwertig bedüt dʒ wi-
derspil. Wan aber mensa in d mitten
eng ist vñ an seite weit/ bedüt ein me-
schē d in der ersten zeit seines alters
reylich wirt/ in dē andn karg im lesten
wid reylich/ doch im lesten alter wirt er
mer milt genät/dā dʒ alter kumpt im
zü stür dʒ einer dapfern vnußt vñ er-
faren ist/ der abgang od das absteigē
d hand bedüt des ledens anfang/dan

so der mensch gebore wirt/wirt d^z leib
ben zugeben eim cleinen leib auch einer
kleinen vnufft/yedoch vō tag zūtag ge/
mert werde die vnufft vñ siten bisz zū
dē sterben des mensches/eim mer dem
andn mind nach mancherlei influenz
der himel/vñ das wirt vstande vō dē
leib vñ sein glidern. Darüb wā der
leib sunst gesunt ist so hat die influenz
des himels ein wenig gewalt od keine
in die vnufft oder sele/dan vns ist ge
ben ein freyer wil chün vñ zelassen na
ch vnsere begeren. Darüb der abgāg
od das absteigē der hand ist des lebens
anfang/vñ das vffsteigē der hand ist
des lebens end/aber d^z mitel zwischē
dē vffgang vñ nīdgang/bedeut d^z mi
tel vnsers lebens/darüb in welche teil
der hand die vorgenantē linien sein/
haben sie bedütniss in yetlichem alter
des menschens. Und das sey gesagt
von den fürnemlichsten linien.

Von den andern linien on die
principal. das. xij. ca.

Gsein auch an-
dere linien on die vier prin-
cipal linien / welche kein ge-/
wisse bedütniß haben / von
welchem man kein natürliche vrsach
mag geben als von den principalen /
wan sie entsprungē nit von fürnemli-/
chen glidern wie die von denē gesagt
ist. Sise linien kumen etwan von na-
tur / wan alle natürliche tugend oder
kraft / wie sie vō natur gemacht sein
also wircken sie von wegen d̄ das le-/
ben des menschen behalten wirt / wan
die natur vnderstat alwegen das vol-
kunrest / darüb macht sie an denē or-
ten da es not ist vnd miltert auch vñ
teperierte die vberflüssige ding die dē
lebe züston vß grosser kelt oð hitz wie
normal gesagt ist / das wirt hernach

gezogt in den hende mit iren liniē cler
lich/ so mā von ietlicher sunderlich sa
gen wirt/ vō iren linien kritzen bergē
fingern/ sterne vñ der gleichen. Über
d̄z werden auch in henden gezogt tri
angel/ quadriangel vñ ande zeichen die
mer eck oß angel hand/ mā fint etwā
zeichen die sechs oder süben eck haben
all mal fint man die vier furnemlich
linien mit all in der hand/ dā etlich ha
ben die lini des glücks nit/ etlich māg
len der mitel lini/ etlich hon feit men
sam/ etlich nur vier finger/ als ich sel
ber eine kent hab/ d̄z kumpt vō mang
el der natur vñ influenz des hymels.
Etlich haben sechs finger/ das kumt
von vberfluss der natur.

Von der Phisonomy d hand.ca. viij.

Nun ist zelage vō
der gestalt der hand vñ irer
wirckung/ darüb zu di erft. n
f

Ein kurze hant kumpt vō keltin vñ
vō feisster schicklichkeit. Aber ein lange
hand vñ darzū lang finger bedüt ein
tregen langsamē menschen/ von der
coplexion die genent wirt flegmatica
Ein frau die lang finger hat vñ ein
kurze hand bedüt dz die selb grossen
schmertzē hat in der geburt vō wegen
egenanter schloß. Man die mitle der
hand lang ist/ vñ die finger der hand
nach noch lenger geacht vnd die hand
hert ist/ bedüt ein menschen der da ge
schickt ist zu bösen dingen vnd vorab
ein diebischen menschen. So die mit
le der hand hert ist vnd mit den glide
ren wol: esamen gemacht/ bedüt lan/
ges leben/ vñ der mit grosser bekümer
niß beladē ist. So aber die glider nit
zesamē gemacht sein bedüt kurz leben
vnd eine der vil geltz samelt. So die
hand dün. vñ lang ist nach glegenheit
des leibs vnd wol geferbt/ bedeüt ein

langwirige züchtigen mensche der ge/
rechtheit vñ eer liebet vñ ist gotforch/
tig. Ist die hant kürzer nach gelegen/
heit des leibs/ bedüt es ein wol reden//
den fürsichtige menschen/ d. wort wiß
in nit wol leiden mag/ vñ ist stark in
armē. Ist aber die hant kürz vñ feist
bedüt es ein sündige menschen der al/
ler bosheit vol ist/ vñ ye mer die fing/
er hert sein ye bosshaffter d. mensch ist
So die finger kürzer vnd breiter sein
dan dʒ andteil der hand bedüt ein tre/
gen langsame hoffertige vnd torechte
menschen/ vñ souil mer wan die hād
im wißschlag breiter ist. So die hant
lang vnd groß ist/ in einer zimlichen
pportz bedüt ein mensche der milt frū
vñ sharpffer vñunfft ist vnd güt rāt
geben kan/ vnd hat die gelerten lieb/
So ein mensch die hand streckt/ vnd
die finger also aneinand seind/ dʒ der
lufft nit dardurch mag/ oder dʒ man.

f ij

nit dadurch sehn mag/dz bedüt ein
sorgfältigē menschen/so aber die sing
er zulang werē/bedüt ein geitigē boß
haftigen/der sein listikeit mer in das
boß dan in güt fert/vnd meint laster
sei tugent/acht sich selbs frum/so er
doch wie ein wild vnuernüfftig thier
ist. Ein gestreckte hand die dürr finn
ger hat vnd hert gebogen/bedüt ein
vngrechte menschen d scharpffer sinn
ist vñ me geneigt zu bösem dā zu gü
tem. Man in einer gestrecktē hant dy
letsten gliß sich vbersich keret/bedüt
einnidigen menschen etwa zu gütem
vnd doch duget lieb hat/vñ in sein ge
schefften sorgfältig/wā einer mit den
fingern schlecht so er ret/als wā einer
die trumē schlecht/bedüt einen der fil
gedencken hat/ist fast argwenig vnd
vil bößen dingē vnischt. So einer
nach eim ding greifst vñ im die hend
zitern dē vget der zorn bald/güter na
tur schāhaft vñ ein wenig colericis.

Von allerlei eygenschafft. dz letst ca.



Deiner ist vnd

den mund zu der speiss nei
get vnd nit die hand zu de
mund / d ist ein freßig mensch vñ hat
böß sitten / ist einer bößen natur / der
sich mit andn lüten nit vergon mag.
Man ein mensch so er die hant züdüt
als welt er ein fust machen hat den do
men verborgē vnd den andn fingern
bedüt ein gytige menschen de vnrecht
als lieb als recht ist. So der berg ve
ris hoch ist / bedüt ein vnküschen men
schen doch der lust zu seitenspil vñ der
musica hat / er ist frum vñ gern by de
lüten. So einer fast lang hend hat vñ
lang klein finger die zu ruck der hant
sich biegen vñ die hand hert ist / ist ein
zeichen einer heissen füchtigkeit / vñ die
hitz macht einen sinreich in seinen ges
schefften / vnd begert das im gar nit

f iij

zimpt vnd bedüt ein herte menschen
Darum ist zu mercken als Julianus
spricht. Hend die fast lang sein werde
vgleicht den thierē vñ vogeln die iers
raubs gelebē ye kleiner lenger vñ dür
er die finger sein ye geschickter vñ ge
flissner sein sie zu raubē vnd sein den
fürsten vnd irn foglern ye angnemer
Die natur gibt auch den tiranischen
menschen lang hend. Es ist auch zu
mercken so die lini des tischs gat zu
dē Berg Iouis mit zweie sichtbare eſte
dorne vnd d ast so zum zeiger get ein
kreutz macht bedüt dz d mensch groſſ
nutz wirt anfahen vō geiſtliche heren
vñ ligt nit daran dz er nit geiſtlich ist
bedüt auch dz er in groſſen gunſt kuſſ
men wirt gegen eim hohen prelate vñ
gewint gwalt vō im als wer er selber
her. Hat aber der and ast zu dē domē
vnd kumpt in den anfang der mitlen
lini vnd zu der lini des lebens bedüt

das der mensch durch sein geschickli/
keit wirt vil reichtum vbercumē. So
aber diser ast vil kritz by im hat bedü/
tet zwittrachz zwischen im vnd seinen
brüdern vnd freunden. Stond aber
dise kritz bei dē ast als wer es nur ein
lini bedürt es dz widerspil dz er vō sei
ner freund wegen reichtub wirt vber
kumen vnd dan inen zehilff kumen/
er wirt auch zu einer wirdigkeit kumē.
Also dise ding die in einer gemein ge
sagt sein / von denē wellen wir ietzunt
gnüg gesagt haben / vnd wellen kler/
licher anzögen ein yetliche hand sund
mit iren liniē vnd andern figuren.

Nun folgt hernach die erst hand vō
den liniē vnd bergen in einer gemein.

f iiiij





Sein die fier linien vberal gleich vnd
aneinand im gleich d hand vñ wol ge
ferbt bedüt einen alt werde achzig iac
so aber zwo liniē ein angel hinuff ma
chen/bedüt dz d mensch ein erbschafft
vberkumt/in seim alter güt/ eer vnd
riwigs alter vberkumen. f v



Man in der restricta die obern linien
breit sein vñ die andern dünn als da
stat bedütt gesuntheit vnd reichtum
bisz zu dem mitlen alter aber vber dz
mitel des alters abbruch des reichtüs
vnd auch darzu frantkeit.



So vier linien in d restricta sein/ als
hie angezeigt ist/ bedüten dʒ der men-
sch achzig iar alt wirt/ doch im ersten
alter wirt er schwach sein vñ arm/ vñ
über die halb zeit seins alters wirt er
güt reichtüb vñ gsuntheit überkumē



Ist die erst lini gross vñ die and klein
die drit wid gros die siert klein als hie
stet/ bedüt im ersten alter sterckin vñ
güt/ im andn alter der beid gebrust/
im dritte wid güt vñ gsuntheit im let
sten alter widerüb der beider mangel
vnd ein lini bedütet .xy. iar.



Man die erst lini nit gätz aneinand
vnd krū ist vñ die andn gerad vñ an
einand vñ sie ein angel hinuff haben
bedüt im ersten alter armüt vñ krau-
keit/darnach wirt er glückhaftig/so
der angel nit fundē wirt/bedüt krau-
keit vñ armüt vnd doch vol bosheit.



Man du dise lini gerad in einer zim
lichen gschicklichkeit fintst bedüt ein rü
wig gsund lebē vnd ein starck gemiet
vñ ein frumē man der in eren wirt ge
halte diewil er lebt/ aber doch nit lan
gwirig/ es sey dan dz d berg starck sei
vnd ein kreutz anzög.



So die liniē in d̄ restrict also zerstört
vñ mit aneinand̄ sein bedüt ein kunst
reichen menschē mit bösen gedencken
vñ wan er volbrecht d̄ er gedenckt/ so
kem im grosser schad daruß/ er wachet
auch sei vater vñ ist im nit gehorsam



Man mā die lini des glücks grad vñ
wol geserbt fint als da stot / bedüt ein
glückliche menschen so aber dz wiðwer
tig gefundē witt / bedüt es dz wiðspil
vnd der nuwe kunst erfint vñ mult ist
in buwen. / aber sunst karg / vnd auch
geschickt ecker vnd gärtten zebauwen.



Get die lini des glucks biß zü d mitlē
wie da stet bedüt ein frumē menschē d
sein sach vō tag zü tag selig stelt vnd
ist grosser vnufft/bis in tod hat er tu
gent lieb/dise lini müß grad vñ gāz
sein/ist sie krum bedüt d; widspil.

G



Wa die wo linien ston wie die da die
mitlen liniē antrüttent. So bedüt es
ein menschen der mit vil gewin vmb
ge. Aber ist böser vernüfft vñ vntrü
vnd vnglückhaftig. Er ist auch zü
vil sorgfältig in seine geschefften.



Dise zwu liniē wan sie also erfundē
werdē wie hie stot. Bedüten sie eerlich
vber feld wanderūg als zū bilgerfri
vnd dem eerliche empter züston/wan
er an den selben orten wölt bleiben.

G ij



Werde diese linien erfündē wie da ster
bedürt einen der fürsten dient vnd ist
glickhaftig / die herren werde in lieb
haben vnd in mit gaben begaben.



Diese linien als hie stond bedüten ein
schwetzige vbermüttige menschen der
mit lützel gewin ein knecht ist vñ ein
landfarer/vnd ist vast dienstbar.

G uj




Item wan dise zeichen also sicht wie
sie hie ston. Sie bedüte ein vnschwei-
fendē vil schwetzendē mēschē/der da
vil land erfarn wil/vnnd der da gar
kum reich würt.



Diese linien bedüten vonwohng also
wan einer von seinem vaterland ist/
vnd ye weiter vñ ferrer die linien von
einander ston/ aber doch wirt er vñser
thalb seinem vaterland nit sterben.

G üij



Diese linien als sie stand bedüten ein
vawissendē menschen der einer grobe
art ist vñ kein vernufft hat vñ in sei
nem vaterlant wirt sterbē wie ein nar
oder ein thor.



Sise liniē bedüten ein menschen der
mit grossem gewin vmb gat/ doch er
lūg daruff d̄z im nit werd abgetragē
vō denen so er wol vertraut/vnd der
edel ist vnd einer gütē vernuft.

G v



Man disce linien stond gegen dē Berg
d hand bedüt ein menschē der vil gelt
hat aber es stot daruff d; er in gesenk
nis cum vmb des gelcs schuld willen.



Item dise linien bedüten ein trüe mē
schen vnd hat doch nit vil fründ/wie
wol er frum/trew vnd züchtig ist. der
sich nit gesellen sol zu den lütē die im
nit wol bekant sei er hat ic kein nutz.



Diese lini bedüt ein menschen der in
dienstbarkeit ist vñ den man mit geu
walt zu schiffen müß zwinge/ vñ der
dʒmerer teil im lebe knecht müß sein.



Wan dise lini durch die restictā gat
zu d lini des lebens vñ frum als oben
stet/bedüt ein frackeit die bald wirt
kumē/ist sie bleich vñ vndē schwartz
so hat er die frackeit gehebt/ist sie vñ
den bleich/bedüt sie ein spate frackeit



Item so dise linie von der restrikt er
wegt ist vnd gat durch die line des le
bens vn zerteilt die selben / Bedeut das
der mensch ein diener wirt verlieren od
vlassen der im als lieb ist als sein lebe



Man aber die zweo liniē ligen vff der
lini des lebens bedüte sie ein riwiges
leben / vñ ein menschē der in seim vat
erlād sterbē wirt frum vñ gotföchtig



So die clein lini ligt vff d lini des le
bens bedüt ein menschen einer schalck
hafftigen natur / wan cleine linien an
dem vndersten ort der hand sein.



Item wā die lini des lebens einer
zimlichen form oder proportz ist vnd
wol geserbt vñ gleich breit an allen or-
ten wie oben stot/ so bedüt es ein lang
wiriges sicher leben/ ein fecken vñ do-
th schamhaftigen menschen.

5



Item wan die lini des lebens oben
seift ist/ so bedütet sie ein fisch dor
fisch leben/ vñ ein vbermüitigen men
schen vorab wan die hant hert ist/ vñ
schwerzer dan ein hand.



So aber die lini des lebes oben gross
ist/vnd darnach ye kleiner/bedüt ein
vnsteten menschen der eins vnsteten
rats ist/vn ein vmschweiffendē men-
schen einer groben vniufft/es sei dan-
sach dz im vō triägel geholffen werd.

H ij



Item wan die lini des lebens groß
vnd oben gestercket ist wie da stot/be-
dütet ein menschen der eins guten ra-
tes ist vnd ein schamhaftigen. men-
schen/der da tugent lieb hat.



Item so die lini des lebens ganz su
ptil vnd klein vñ oben zerteilt ist wie
hie stot/ so bedüt sie ein scharpfe ver
stentniß/ vnd ein vmbschweiffenden
vnsteren menschen der vast listig ist/
vnd begert vñ land zü sehen.

H iiij



Dise linien also gezeichnet/ bedüten
ein menschen der gern zornig wirt ge-
gen seiner müter/ auf welchē kumen
mag blütuergiessen. Aber so dise lini
bleich sein/ beschēhe die ding nit/ aber
er wirt ein zornig boschaffig mensch



So in d̄ mitlen lini allenthalbē also
spatia erfundē werden/wie vil ir sein.
als vil todschleg düten sie/aber wā sie
ein wenig zügethon sein/so vil wun/
den wirt er den lüten geben.

H iiiij



Item so dise lini also geformiert ist
das bediut böß vngeschickte sitten in
dem menschen/vn ein verrüchten vn
schamhaftigen menscheu/der vnder
andern menschen übermütig ist.



Item diese lini bedüt ein menschen
on genad vnd vnglückhaftig/ beide
zusammen/im werd dan geholffen von
der lini des tischs vnd dem triangels.

h v



Dise lini wan sie subtil vñ bleich ist
bedüt sie schwachheit des hirns / vorab
so sie am end frum ist / der selb men/
hat tugent lieb vñ ist eins gütten rats



Wan die mirel lini so kurtz ist dz sie
anriirt die lini des glücks/bedeut ein
geitigen vñ frumē menschen/der we
nig vnuinst hat/d sol sich ser bewarē
vor gefendknus/vñ wirt vurtelt zū de
blüt mit vlierūg des hauptsod glieds



Man die mitel lini anruirt die lini
des tischs vñ vnder dē mitlen finger
die gabeln zerteilt/bedüt ein frumen
menschen/der in der iugent vnuersell
henlich vñ schnellen tods sterben wirt



So die mitel lini gat zu dem berg
der hand wie da stet/ bedüt kienheit/
lang leben/ frumkeit des gemütz vnd
ein gotz förchtigen menschen/ der die
kunst lieb hat vñ der vō seiner kunst
wegen Er wirt obergümen/ aber er
wirt ein wenig gram sein.



Wan die mitel lini sich vbersich bügt
zü dē fingern/ bedüt ein vnuernünfti
gen schnöden menschen/ riürt sie aber
ein finger an/ bedüt es ein schlechtere to
rechten menschen/ ein fecken großmü
tigen menschen/ vñ der gegen seinen
fründen mer karg ist weder mult.



So die mitel lini zu der restrict oder
nach darzu get/ bediut sie ein. geitige
menschen der all ding begert/ der mit
recht vñ onrecht falsch hiderung mache
vñ in gestalt der frumkeit vnd barm
herzikeit erdicht andn lüten zedienē.



Item wan die mittel lini der hand
durchvß get als dan hie bezeichnet ist
so bedüt es ein lang leben/ aber stark
vnd arbeitsam/vnd darzü armüt.



Wan die mitel lini anriert die linien
des tischs / bedüt ein grossen schaden
vñ wißwertigkeit / vorab wā sie nit an
dere linien macht / der mensch hat ein
heit hirn vñ betracht kein schaden.

3



Man die mitel lini nit ganz ist vnd
dar :n krum wie angezögt ist / Bedeut
ein diebstal vnd schalckhaftigkeit.



Ist die lini des glücksfrum vñ bleich
bedüt sie ein schmerzē der nach ist vñ
ein listige trüglichen : ornigē menschē
der grosser vnufft ist / ist sie aber fruß
ein lesterliche langsamē menschen der
von der complex flegmaticus ist.

3ij



So der triangel gantz volkumē ist be-
düt ein frumen milten menschen der
lang wirt lebē/vn sichere sterckin des
gemüts vñ des hertzen hat/so aber dʒ
widspil fundē wirt/bedüt es das wid-
wertig/das ist wā die farb liecht ist.



So im anfang der liniē des lebes der
triägel nit gar aneinand ist bedüt dz
d mensch güt geselschaft wirt blassen
vñ böse an sich nemē vnd wirt lust sū
chen mit frawē kleidn vñ and lustbar
keit des leibs / vñ ein teil seins vaters
erb verlieren.

J iiij



So diselini feist vñ rot ist vndē/be
diit sie ein hertē menschen d̄listig vñ
mūtig ist zü schalckhaftige dingē/so
sie aber volkumner farb ist/bedeut sie
ein frūntlichē menschen einer suptilen
v̄stentnis der güt rāt gibt vñ in allen
dūgen gerecht vnd geistlich ist.



Ist diese lini in gleicher mensur gross
vñ bleich bedüt sie ein böß geblüt vñ
ein menschen kleiner vstentnis ist sie
aber rot bedüt sie ein vnwirsche zorni
geu grüliche menschen kleiner vnusst.

J uij



Item so dise lini suptil vñ gerad ist
als hie stot / so bedüt sie ein menschen
der da einer scharpffen verstantniß ist
vnd vorab wan der widerschlag der
hand vßwendig barechtig ist.



So dise lini kurtz ist nit wie sie stot
bedüt sie kurtzes leben vñ groß schal-
keit wenig glaubens ir werd dan gen
holffen von der lini des glücks vñ des
rischs/ aber im wirt danocht nit gehol-
fen von bosheit des gemüts.

3 v



Wan die lini' in d' mitte zerbrochē ist/
als da stot bedüt ein franckeit so einer
gg v. iar alt wirt vñ das ist war wan
der ander teil gegen der restricca get.



So dise sterne vor der lini des lebens
stond/ bediüt das der mensch verache
vnd vschmecht wirt vō den weibern/
wan sie aber vßserthalb der lini stond
so wirt er ein schmacheit leide von wel
cher er mit kleiner arbeit gledigt wirt



So diſe linien wolgeſerbt lang vñ in
einer zimlichen ppotz ſeind / bedüten
ſie ein gute geschicklichkeit / ein güt hirn
vnd ein gute verſtentniß / vnd darzü
glück des lebens vnd des güts.



Man ein solich kreutz witt erfunden
in der mitlen liniē vnder dem mitlen
finger oder de orfinger/ bedüt das der
selb mensch sel vast bald sterben witt
oder witt ein iac eranck sein.



Man dise lini also zerteilt ist/ Bedüt
ein menschen d im alter vast geistlich
wirt/ vñ im stand der gnadē sterben/
vñ stetz willen hat in ein orden zügen
vñ so er geistliche kleid nit vßwendig
tregt/tregt er sic doch in seim gmüt.



Item so dise lini frum vnd nit ganz
ist/ bedütt sie das der mensch von den
wilden thierē ertödt sol werden/ od er
virt sunst mit großem schadē sterbe.



Man diselini hüpsch breit vñ wol ge
ferbt ist als da stat/ bedüt ein fröliche
menschen eins starcken gemüts/ aber
die frölikeit kumpf im vō blödikeit d
verstentniß/ vnd er ist doch eins gū
ten rats/ aber sunst iſt er on sorg.



Man dise lini also formiert ist bedüt
sie blödikeit der verstantniss aber doch
ein bōshafftig vnufft / die bōs vñ von
gerechte ding zūfolbrunge geneigt ist:

K



So dise lini an dē end also ist wie hic
stot/ bedütt sie wundē die vō eysin ver
letzt werdē. Wan aber dz zeichen als
da stat v erfunden wirt/ so bedeutet es
der wunden grossen schaden.



So dise punctē od zeichen fundē wer
den hübsch vñ wolgeserbt bedüt gütē
siten vñ ein menschē wz man im sagt
d; nimpt er an/vñ gibt im wed glau
ben od vnglaubē/er laſts sein wie es
ist/vñ ist schamhaft vñ ersam in essen
trincke vñ in seim wandel. K ii



So die lini des haups get ad media
als hie stot / bedüt dz der mensch sein
blüt wirt vgiessen / vnd eine der gern
schwert / vnd stet daruff das er im ein
grossen schaden des tods züfüge.



Man die lini des tischs anhangt d li
ni des lebens vñ auch d lini des haup
tes darzü d lini des glücks als da stat
bedüt als ein grossen schadē d zder mē
sch mer begert tod zesein dā lebendig
K üj



Wan die cleinen liniē stond in dē an-
fang des triangels / so bedüten sie ein-
trüglichen menschē der den lütēn vbel
redt vnd vol laster ist / vnd scharpf ei-
verstendniß mit schmeichel worten.



Item wan ein cleine lini erfunden
wirt wie du hie sihest. So bedüet sic
einen menschen der von gifft sterben
wirt oder eins vnuerschene rods.

K iij



Man der triägel clein ist vnd wol ges-
macht/bedüt ein hoffertige menschen
d vol bosheit steckt vñ schneller red ist
auß geitig vñ listig darzü arm/aber
arbeitsam vñ gschäftig mit vdiest
vnd mit arbeit/im werd dan von an-
deren liniien geholffen.



So die lini des lebens vñ die mitel li
ni vnd dē mitlen finger zusamē kumē
bedütt armes leben / schnōdikeit des ge
mūts / geitikeit vñ ein suptile bſtent//
nis vnd eine sorgfältig ist dz er gelt
vnrecht vberkum vñ vtraut niemāt.

K v



Item wan die zeichen erfunden werden wie da stot so bedüten sie das der mensch so vil erbschafftē von frawen überkümpf als vil der zeichen seind.



Item wan in der hülin der hand ein
hoher angel ist als da stat so bedüt es
geitigkeit vnd der sich güts verzeichet
der auch on hoffnung ist.



Item so ein Kreutz od 3wey erfunden
werden wie da stat/ bedüt dz der men-
sch hasset ein milt vnd glückhaftigle-
ben/ Aber der güt aufgibt.



Man die zwey friz wie da stat erfun
den werde die einand nit anriuren be
deut ein vollen trunken menschen.



Item wan das frütz wie es da stat er
fundēn wirt/ bedüt es ein vnfrumen
gwicrechtige menschen/ welches wort
vnnd vbelreden vrsach geben blüt jū
vergiessen.



Itē wan der angel gegen der restict
sharpff ist so bediüt es gütigkeit des ge
muts/stercke des geblüts vnd der tu/
gent/vn ein menschen grosser vnusst
vnd ye mier wan er wol geserbt ist.



So der angel vnden groß ist vñ nit
scharpff / darzū breit nit als hie ster be-
düt ein böse dispositz / blödikeit der
vernufft / vngeschicklichkeit vñ hinlessig-
keit det in seinen geschefften faul ist.



So der angel vnder dē zōger scharpff
ist wie da stot / bedüt er ein scharpfe
verstentniß / ein gûte dispositz wenig
sorg / ein vnusprechlichenhs leben / ein
frumē man der gerechtigkeit lich hat.

Z



So der ober angel nit zusamē gat se
düt ein vreinē hart vbermütigē nei
digen menschē d mit im selb vnleidig
ist vñ schuldig ist vnd murmlet/ist er
eins niðn stands so wirt er alweg ein
dienet sein/ist er dā frey so wirt er in
Gefenckniß vnd in armüt sterben.



ED
P
E
P
E
P
E
P

So der vnder angel nit zusammen get
sund weit von einand gat wie da stat
bedeut bosheit des gemüts / vnd ein
menschen der ein bösen glaubē hat vn
ein böse gewunheit oder conscientz.

L ii



So der linck angel des triangels wol
gemacht ist wie hie stot/ bedüt ein mē
schen einer gütten vnufft/ vnd güt
meinung vor im hat/ der lang wirt
leben/ vnd der gerechtigkeit lieb hat.



So d linck angel des triägels ist wie
oben stet bedüt ein grülichē boschhafti
gen schwezigē menschē der ein lust hat
mit den lüten zü hadn/ vñ dz ist der
linck angel den die lini des glüces vñ
die mitel lini machen.

Z iij



Wa mā ein netz fint als da erscheint
bedürt ein vnfrumē menschen/ doch d
mit einem gütten end selig wirt/wan
aber am end des netzes ein kreutz ist/
das selbig mindert die bosheit.



Item wan dis zeichē erfundē wirt im
anfang des angels wie da ster / Bedeut
ein nahe krankheit eins iars die lenger
od kürzer wert nach glegēheit d farb.

Z iiiij



Wa das frütz ist wie da stot bedütt es
stercke d arm/hoffertikeit des gemüts
vnd wirt vil land durchziehē/dz wirt
geschehen so dz frütz rot ist vñ die an
gel wie ein frütz sein vñ ist er ein frie
ger so wirt er gemertz in seine stand.



Wan dz fundamēt des triāgels frum
ist vñ der angel bei d lini des lebēs hö
her ist dan der ander dar gegē / bedüt
ein menschē arm an gūtern vñ im ges
müt schwach vñ im alter werdē im an
der lüt zehilff kuniē von armüt wegē.

Z v



Man zwe liniē entspringē von d lini
des lebens vñ gond durch den triägel
wie da stat bedüte glück nach wißwer
tikeit/dan dise liniē sein ein teil der li
ni des glücks/welche wilcket werden
mit der lini des lebens/vnd gond in
massen als este heraus.



Wan dise linie erfundē werdē als da
stat bedüten ein menschē der seins va-
ters huld wirt vlieren od in dz ellend
wirt kumē/vn mit sein fründē kriegē
nit vß seiner schuld dā es missfelt im.



So drei lini des gliicks zü d lini des le
bens kumē vñ dē fundamēt des triag
els anhangē bedüit scharpfe vstentnis
starcēs gemüt d gerechtigkeit lieb hat
so aber mēsalis zü d mitlē lini vndget
bedüit ein böse vstentnis ein todschleiß
ger so sie vnd d lini des lebēs anfacht.



Item war die lini also mit andern li
nien zerschniten ist so bedüt sie arbeit
vnd widerwertigkeit mit fürsten/also
das er ein güt teil wirt verlieren.



Man sich die linij des tisch's endt zwis-
chen de mitlen vñ de zöger vñ ist dün
bedüt flüß des blüts / ist sie dick bedüt
wundē im haupt / ist sie rot bedüt sie
wundē in der brust / wā sie den stawē
dün ist bedüt die heimlich frantkeit /
ist sie groß bedüt sterben in d geburt



So ein lini vō der lini des tischs hin
uff get zū dē mitlen finger / bedüt ars
beit vñ wißwertikeit / ist sie dā grenet
als da stet bedüt sie gewin vñ einen d
zū buwen ein lust hat / aber durch sich
mag ers nic thün im werd dan gehob
fen von andern.



Man zwen äst von der lini des tischs
Krum zu de or finger gend bedüten ein
menschen der kunst begert/ aber von
seiner armüt wegē wirt er vō d kunst
entzogen dz er sic nit vberkumē mag;



So du ein kreutz findest wie hic stoc
dz mit eim kritz durchschniten ist/ Beil
düt feintschaft vñ wie uil kritz da sein.
souil bedüt es feintschaft/ ist sie aber
durchschniten wie da stoc/ so bedüt es
feindschafft mit den fründen.

60



Item wan du ob dem Berg Mercurij
ein solches zeichen wie hic stat findest
so bedeut es freund / ist es aber durch
schnitten mit liniē / wie vil deren sein
so vil bedüten sic feind.



So ein lini vō tisch der hand get vnd
zerteilt die lini des tisches vnd hat ein
krütz wie hie stat/ bedür ein schnellen
tod von wegen seiner reichtüb/ od der
vnrecht vurteilt oder verdampt wirt
von seins väterlichen erbs wegen.

M ij



Item wā ein lini vō der lini des lebes
gat gegē dem mitlē finger vñ zerteilt
die lini des tischs / bedüt sie ein armen
tod den er vielleicht wol v̄schulde will



So die lini des tischs ein ande vff ic
hat bedüt vntruw fründ / d alle ding
hart vberkumt / sein sie ästig vnd sich
so wirt er zükünftig reich / wā ein od
zwo lini estig sei bedüt vō anfang bis
züm end eer vñ güt vñ vorab vber die
mitel zeit seins alters. M ij

D



Irem wan du ein ast findest der von
der linu des tischs zu dem mitlen füng
er gat/ so bedüt es ein fecken großmü
tigen menschen der gotsföchtig ist.



Als vil du liniē vff dē berg Mercurij
findest wie hie stat/ so vil kīnd bedütē
sie/ vñ so ein lini lenger vnd scheinba
rer ist dā die andn/die selv bedüt ein
solchen weisen sun/ & mit vnuunfft vñ
glücke seinen vater wirt vbertreffen.

M iij



Man die lini des tischeshübsch sichtig
punctē hat die nach ordnung ston vnd
vß d lini nit weiche vñ wolgferbt sein
bedüt ein reinē messigē frumen truwē
vñ gotföchtigē menschē/sein sie vbel
gefierbt vnd stond vnordenlich/so bedüt
es das widerfspil.



So du etlich liniē gerad finst gon vō
d mitlen lini zū d lini des tischs vnd
dem mitlen finger bedeut ein zukünff
tigen tod schleger wā aber ein lini vō
der lini des tischs gat zū der mitlen li
ni vnder dē mitlen finger bedeut dz
er zū tod geschlagē wirt. **M v**



Man du ein lini findest die ein halbe
zirckel macht/welche zwischen de mitte
vn zoger anfacht vn endt sich zwische
dem cleinen finger vnd goltfinger be
düt beraubung der eren vnd widwer
tikeit vnd vorab des kerckers.



So ein cleine lini entspringt zwischē
dē mitlē finger vñ dē zōger vñ get gess
gen dē zōger bedüt eine der ande men
schen in kercker wirt zwingē/sein dan
z wo clein liniē im wißchlag der hand
bedüt gebissen werde vō hundē vorab
so sie gegē dē wißchlag d hand sein.



Als vil liniē vff dē Berg des kleinē fin
gers sein so vil bedütē sie ee/ seind sie
gebogē bedütē sie so vil ee die gehindē
sein wordē/ sein es dā linien die krum
gond als die vndst/ bedüt ein mensch
en mit liebe vñgeben vnd gefangen
vnd gebundē gegen einer frawen.



Man d̄tisch gezeichnet ist mit disen
figurē/ so bedüt er ein menschē der wi-
dwertikeit wirt habē bis in. v̄vij. iar
so mensalis von ersten ist gemacht
mit den liniē wie obē stet bedüt dz der
ledig wirt vō wiđwertikeit/ sein es dā
frūz so müß er sein lebtag arbeiten.



So vō d lini des tischs liniē gon zū d
mitlē lini/ als vil d liniē sein so vil bei
dütten sie tod schleg/ aber wan sie zusa
men kumē bedüten sie dz er hat mür
gehebt ein tod schlag zethün vñ hat in
nit volbracht/ sein sie rot so bedüte sie
das d tod schlag bald wirt geschehen.



Wan der tisch in d mitz frum ist vñ
ein frutz od and zeichen hat bedüt ein
fast geitigē menschē der güt ze vberku
men vnd stet es sev zimlich od nit / vñ
d; mit glyßnerei dā er erdicht sein frū
keit vorab so die mitel lini zerteilt ist /
vñ d; ober teil zwei cleine frizlin hat.



Man die lini des tischs breit vñ weit
ist bedüt ein milten menschen der vñ
grosser kertižet ein schadē wirt enpsa
hen so die mitel lini zerteilt ist als ob
stot bedüt sie ein geistliche vñ ein mil
ten menschen der got vnd die gerechti
keit lieb hat.



So ein lini vō d lini deslebes zū berg
iouisget/macht da ein frutz od ;wei/
bedüt eer vñ güt/vñ so ein stern wirt
erfundē vñ die mitel lini ;erreilt ist be
düt ein menschē geistlich zewerdē vnd
kumpt zū grosser wirdikeit;brucht er
krieg so vberkupt er herschafft; N



Man in dē zōger gerad liniē zwischen
dē ersten vñ andn gliid spon/ als vil d
sein souil streich bedüte sy in d; haupt
d; wirt auch bedüit so die lini des tisch
es zwischen dē zōger vñ mitlen finger
gat/ vñ wan die liniē beid gliid anru
ren so bedüte sie nit tödlich streich.



Man ein lini zwischen dēzōger vñ dē
mitlen finger erwechst vñ gat frum
in dē erst gliid des mitlē fingers bedüt
dē dē mensch willig vō im selber in ge
fencenis gen wirt/gat sie dā zū dē lini
des tischs/so bedüt sie ein gefencenis
die nit willig geschicht. El ij



So vff dē Berg d sunnē ein lini vō d li
ni des tischs ist vñ gat zū goldfinger
bedüt eer früntschafft gegē gwaltige/
ist sie zerschnitē bedüt vndtrukung vō
feindē aber es schat im nit/wirt disse
lini zerschnitē bedüt d; er geschet wirt
vñ mit schwerē dauon erledigt wirt;



Als vil liniē vff d̄ lini des tischs ligē/
so vil bedüte sie franckeit in dē ersten
alter/sein doch nit tödlich/gend dā di
selini biss vnd den berg saturni bedüt
franckeit in dē mitlē alter/gend sie dā
bis zū dē zöger/ so kumē die franckeit
erst in das alter.

VI iij



Wan die lini des tischs am end dün
ist/ so bedüt sie güt zü besitzē/wan sie
aber wol geserbt ist bedüt sie merung
des güts in der andn zeit seins alters.



Man die lini des tischs ein teil gegé
dē zōger den andn gegen dē mitlē fin
ger hat d gross ist bedürt dz dē menschē
von dē glück geholffen wirt / vnd wirt
güt vbeckumen mit seiner arbeit.
L iij



Item wan du findest drei linien des
tischs als du sie sichtst bedüt ein zenckis-
chen menschē / wā sie aber bleich sein
so ist der selb mensch nit als zenckisch
als wan sie wol geserbt seind.



Man die lini des tischs zwen est hac
vn einer get zü dē zōger der and zünt
mitlen finger bedüt ein scharpffe ver
stetnis güt zevbertumē vn ein geschi
kten menschē d ein gleißner ist ie mes
sie am anfang dün ist ie böser er ist.

W v



Wā die lini des tischs im anfang od
nach darbei zerteilt ist als dā hie stat/
bedeut lützel sorg/ein fressigen der vō
weibern vngelück hat/ aber wā die zū
dē mitlen finger nit gebogē sund ges
rad gat bedütt ein geitigen trüglichen
neidige menschē d sein leben vderbt.



Get die lini des tischs durch die hant
bedüt ein zornigē herten menschē der
seim vater x n̄ eim yedē vngehorsam
ist/vn v̄erten willens zü todschlag ge
gen seine fründē/ein fikischen hoffer
tige zwitrechtige menschē gegen weib
vn kint/d mitel ast mündt die böse.



Wā die lini des tischs am anfang vil
est hat/ bedüt züfel d gütter in eim ar
men menschē/vn ie mer sich die est er
streckē ie mer kumē die gütter im alter
vnd wan sie sich nit vßspreite/ so hat
es kein bedruthniss.



Item wan die lini des tischs in dem
anfang vil est hat vñ groß ist wie hie
angezeit ist bedeut frankheit an der
heimlichen scham des menschen oder
frankheit an der hindern scham.



So die lini des lebes vñ mensalis zü
samē kumē dz sie ein angel machē vñ
die mitel lini nit fundē wirt bedüt ein
hart vſtentins vñ kräckheit bis in tod/
vñ wirt zwitradt habē mit seim vat/
ter oð mütter oð seim gemahel/vō des
wegē wirt er in grosse vzwiflung kumē



Item so du mensale mit dem cleinen
ringlin am end findest wie da stat/be
düt ein mensche der gewalt an legt de
geistlichen vñ kindē der ein frantkeit
an der heimlichen scham wirt leiden.



Man die lini des tischs zerteilt ist als
hie stat/ so bedütt sie ein arbeitsamen
sorgfältigē menschen biß et. xl. iar alt
wirt/ darnach werdē gemert seine gü
ter vñ sein betrübnis wirt vffhören.



Van die lini d eren / d̄z ist in de berg
der sunnē ist zerschnitē mit clein̄ frui
glein wie da stat bedüt d̄z ein mensch
die herrē fliehen wirt / dā im wirt ein
schad züston daran im sein lebē wirt
ston / so vil mer so die liniē bleich sein.

D



Macht die lini des tischs zwen est vñ
einer in die mite des zogers berg get/
vñ der and zü der lini des lebes bedüt
ein langwirig menschen der ein geist
lichen stand wirt an sich nemē/vß wel
chem er vil güt wirt vberkumen.



Man zwischen dē ersten vñ andn gliid
des cleinē fingers tieff liniē sein die an
beidē orten anriirē wie vil d sein souil
bedütē sie streich in die bein / es sei dā
sach d; sie zerschnitē werdē von andn
liniē / vñ wā sie an beidē orten anriirē
so werdē es nit blütig streich. D ij



So die frawē im mitlē finger zwische
dē andn vñ driten gliid ein schwartze
tieffe lini habē bedüt ein hür/ ist sie dē
nit schwartz vñ nit aneinand bedeüt
dz sie ein willen darzū hat wiewol sie
kein hür ist/ Man dise lini subteil ist
so bedeut sie ein frencklichen stand.



So ein mā od weib zwischen dē andn
vñ drüten glid des mitlē fingers liniē
hat wie hie stat als vil d sein souil sun
bedüte sie/souil liniē ein weib zwische
dē ersten vnd andn glid des goldfing
ers hat/als vil man wirt sie haben.

D iiij



Item wan dise liniē oben an den fing
eren gefundē werdē wie da stot an bei
den fingerē vñ sein in einer geschickte
propositz / so bedüte i sie schaden vñ de
wasser oder falle i in das wasser / mit
gesogen das leben zü verlieren.



Item so du zweo linien findest vnd dē
gliid des domes bedüt ein grosse erbsch
afft / ist sie aber allein so bedüt sie ein
klein erb / seir sie dan vast sichtbar be
düt erbschaft mit krieg vñ zwittracht
D iij



Man zwischen den gliedn des domes
zwo liniē wol vßgebreit vñ zamen ge-
fügt sein bedüt ein spiler vñ ist besor-
gen dz er vō spil wegen sein leben ver-
lier vñ wirt selten gewinnē/ stond sie
aber nit recht; üsamē vñ sein krum so
wirt er schaden empfahen vō dieben.



So vnd dē obern gliid inwēdigdes do
mēs zwō liniē zamē gefügt sein bedüt
schadē vff dē wasser/sein sie schwartz/
so ist d schad für kumē/sein sie bleich/
ist d schadwidfaren in d inget ed wirt
spat kumē/sein dā die liniē vßwendig
bedüt schader des fewers. D v



So das erst "glid ob gleich des dom's
and linien hat die daran hangt inwē
dig an dē ort das gegen dē zōger sicht/
bedüt dz der mensch erkenkt wirt vñ
so vil mer wan vō der lin des tisches
ein lini herab gat als dan hie stat.




Als vil liniē bey dī o:finger sein souil
bedütt es er:ante sūn/sein sie krum so
bedüten sie tod od vnbekant sūn wan
die lini des tischs krum gat zwischen
den mitlen finger vnd den zeuger/so
bedütt es blüt vergieissen/es geschehe
wie es wel/wie vor gesagt ist.



Man d Berg des domes dise liniē hat
bedüt ein vnlutern menschē vñ feind
schaft mit den fründē/ findstu zwö lis
nien bei dē nazel bedüt vil güts auch
wā sie inwendig sein/ sein sie aber zer
teilt bleich vñ schwach/ bedüt güt ver
lieren vñ wirt vß eim hūß getrieben.



Item wan zwischen der lini des lebes
dises zeichen stot / so bedeut es feindt/
schafft gegen eine geachten man / vñ
wan es die lini des lebens anriüret / so
wirt er schaden von ihm empfahen.



So die lini des lebes im anfang zeich
net ist als da stat bedüt dz dē selbē ein
mechtig mā feind ist vñ darzū listig/
dan er erdenckt gege im liebe vñ frint
schafft vnd reitzt andere im zü schan-
den/aber doch schat es im nüt/darzū
wirt er seine schaden nit förchten.



Item wan du zweo clein linien vff der
linien des lebens findest ligen als da
stot vnd sein wol geserbt / bedüt zwis
tracht mit den nechsten fründē als da
sein brüder geschwister kind // vñtern



Item wā du zwe lini bei der lini des
lebens findest als da stot/bedüt d; der
mensch schaden von dem fewer wirt
entpfahen an seim leib oder sunst.



So ein hand ein wenig lāg ist vñ die
finger groß/ bediüt ein langsamē tre-
gen fulen menschē der vō der comple-
xion ein flegmaticus ist/ aber wan es
eim mā hat so ist er frum vñ züchtig.

p



Item wan einer frawē die finger lens
ger seind weder der and teil der hand
so bedüten sie das die selbig fraw mit
schmerzē gebirt / vnd die müterlich
schloß seind ir eng.



So der teil det hand vnd den fingeren
bis zu der restrict vast lang ist vñ die
finger einer zimlichen pportz vnd die
hand hert ist / bedürt eine der zu vil bö
sen dingē gschickt vñ geneigt ist / vor
ab ein dieb vñ ein lesterliche mensche

p 15



Sem die hand hol starck ist vnd wob
gemachte gliß hat/der wirt lang lebe
er ist aber zu vil bosheit geneigt/wa
aber die hant nit wol gemacht ist mit
glißn/so bedüt sie dz der mensch nit
lang wirt leben/aber doch er wirt lün
gen das er gelt samel.



Item wan du findst ein subtle lange
hand vnd wol pportziniert nach gele-
genheit des leibs vñ einer gütten farb
bedüt ein langwirige menschen d güt
sitten hat der gerechtikeit vñ got lieb
hat vnd den selbigen forchtet.

p iiij



Item ein hand die nach gelegenheit
des leibs kurtz ist/ bedeut ein listigen
schwetzigen menschen der/wort wider
in nit leiden mag/ aber einen starcken
menschen vnd vorab in den armen.



Ein nast kurtze hand dē leib nach ge
acht vñ kurtz finger oben dick vñ breit
bedüt ein vbertreter d gebot/ein dieb
vnd neidige menschen d aller bosheit
vol ist/vil mer so die finger breit sein
p iij



So die finger lenger vñ grōßer sein
dan der and teil d hand/ bedüt ein tre
gen thorechte hoffertige menschē/ auch
so die hand im wißschlag grōßer ist.



Item wan du einen findest der lang
gross hend hat/der selb ist ein multer
frumer listiger mensch vñ grosser ver
münfft/vñ sein fründē vast getruw.

p v



So einer ein kürzere hand hat nach
achtung ander teil des leibs der selb ist
ein schwetziger/fressiger mensch/den
man mit erfüllen mag/vnd der auch
yedermā spot vñ nachred anhencet.



So die finger hert aneinand ston be
düt ein sorgfältigē in allen dingē vnd
allein für sich/sein die finger lang be
düt ein geitigē boschhaftē menschen d
fikisch lebt/doch fürsichtkeit mer zu
gütē dan bösem gekert wirt/berümet
sich vast so er doch lebt wie ein thier.



Man sich die finger hind sich biegen
bedüt ein vngrechte menschē doch sub
til/er ist geneigt an sich zü ziehen in
kauffen vñ verkauffen/dan er ist mer
geneigt mit der fedn zestelen dan mit
den wercken/das thüt er in gestalt ei
ner vnderdienstbarkeit.



Item ein hand die die öberste glider
vbersich bügt wie du sie sichst/ so bell
düt sie ein neidigē menschē/ aber doch
mer in gütē dan in bösem/vnd der
tugent lieb hat vñ haſt die laster.



So die glied der finger grösser sein dē
die spatia darnebē welche spatia sehen
als wer kein fleisch da/ als dan hie stet
bedüt armüt vñ ein schwetzige men/
schen der in gſtalt der vnusſt groß ar
müt wirt leiden/ wan er wil im selbs
zū vil wissen vnd verſton.



Ein mensch der mit den fingerē schle
cht als wā einer die trumen schlūig/be
düt einen der mācherlei gedencken hat
vnd argwenig ist/vn einer scharpfen
verstentnis vnd grosser schnödikeit.



So ein mēsch die hēnd zāmē schlecht
so et redt vñ dʒ nit lassen mag bedür
ein vnuolkumēs gemüt vnd d sich vil
bekümmern laßt vñ chüt es darüb/dan
er meint man glaub im nit dʒ er bekü
mert sei/doch ist er frū vñ güt fründ



So ein kreutz funden wirt zwischen
der lini des lebens vñ der mitlen lini
bediüt ein rechten liebhaber der frawē
in eren / vñ hat kein glück zu reichtūb
bis in dʒ lest alter / so wirt er geistlich.
Q



So ein Kreuz gefunden wirt als hic
stot/ bedeut ein kunstreiche menschen
doch mit vō im selbs fundiert/sunder
was er sicht d; kan er besser mache vñ
anmütiger an den tag bringen.



Wan disz liniē bey dem Ballen erfunt
den werden bedeut ein woltünen den
menschen was er thüt das stet im wol
an er ist auch getruw vnd mag nit
gestrafft sein von yemant vnd er hat
auch syn ding gern recht vñ süberlich

Q ii



So dise zeichen als hie stot fundē wer
den bedeut ein menschē der kindwert
lingē vbel redt/vn niemand ist im zu
lieb/er hat gern vil schöner kleider vn
ist ganz wanckelmüttig in sein sachen
gibt eine vn den andn vn ist diebisch.



So du disen hagken in der hand findest bedeut ein menschē der sich frum erzeigt vñ auch geistlich ist mit bettē vnd sunst/ aber er mag leiden vnzim lich ding an seine eegemahel/ darum im nichts zū vertruwen ist.



Item so dise zeichen bey den fingern
fundēn werdē/ bedeut ein menschen d
eins tugentlichē gemüts ist vñ weist
genüg vnd wil im nit verfahen/ im
wirt aber nit gebresten sein lebē lang.



Ist dise lini obē zerteilt / bedüt ein mē
schen der vil gütz hat vñ so sorgfältig
ist dz er nimer gnüg darff essen ed kei
nes guten lebens acht / vñ ist also eng
stlich vnd geitigbiß in seinen tod.

¶ viij



Item wā dise lini funden wirt bey dē
finger zerteilt/bedüt ein menschen ei-
nes frölichen gemüts der sich benügē
laßt vñ nit gar reich aber doch genüg
hat sein lebtag/vñ wer vñ in ist der
genüßt sein/dā er ist nit gern allein.



So dise zeichen bey dē domen gfundē
werden/bedeut ein multen vñ frōliche
menschen/aber sein reden sein stetz in
liegen gericht niemāt vmb schadē wil
len/sund dz er sich animpt zü wissen.

Q v



So diſe zeichen vnd der linien fundē
werdē bedeut ein menschen der gern
gelt vß gibt vñ milt iſt gegē aller weſe
aber er ſol ſich hütē vor zorn.



So eim die hant ein wenig zitert wā
er etwas wil reichen/ bedeut das dem
menschen der zorn bald vergat/einer
guten natur/der eer lieb hat/vnd got
fürcht/wiewol er in der ersten beweg-
lichkeit ein wenig Colericus ist.



Ein mensch s den mund zu der speiss
neigt so er isses bedeut ein frässigen
geitigen menschen s bôß sitzen an ihm
hat einer bösen verstantiss vnd sich
mit andn leuten nit betragen mag.



Einer der den domē verborgē hat/ Be
deut ein geitigē der mit recht vnd on
recht leben wil/ So einer die hēnd vñ
der dē girtel oder im būsen tregt oder
am rucken als weren sie gebundē vnd
also spaciert/ der selb mensch ist also
frum das ein wunder iſt.



Ein mensch dem der Berg Veneris
hoch vñ wol ersetzt ist/ bedeut ein vne
keuschen vn lautern menschen der die
kunst Musicam vñ die seitenspil lieb
hat/ vnd der gern mit seinen gesellen
zürnet vnd ein wenig rülich ist.

Nun weyter/wan mā findet si des
domens büchel oder ballen vil strimen
od schnatlin on ordnung vñ vngleich
von einander stond/ist ein gewiss zeis
chen eins vtreinē/feygen vnterschen
menschens/grinerisch vnd zenckisch
vnfrüntlichs beywonēs/der auch mit
den weibern liederlich hader zertelt.
Und wie wol er in feygen lüsten nit
Sald ersetlich ist/auch nach seltzam
vngewontē brauch/ist doch kein frün
lichkeit in ihm.

Sis̄ büchlin ist getruckt durch
Joanne Grieninger zu Straß
burg/vßgangē vff mon
tag nach sant Mass
this tag/In dē
iar als man
zalt.iij:4.

